

22.6213
1030.073
:14

烈女
金石
藝文
襟記

正定縣志

四十四至四十六

Kodak Color Control Patches

Blue
Cyan
Green
Yellow
Red
Magenta
White

Inches
Centimetres

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29

正定縣志卷四十四

列女

舊志所載題請

旌表者方得入傳義取核實條例

森嚴意固有所當也然貧家寒族呈請無人得邀

旌表者有幾人哉茲則寬為錄取庶幾幽光潛德不至

湮沒無傳亦以維持風化云爾又名宦及人物生存

者概不入傳論定須待將來惟守節過三十年逾六

十歲亦得附入而事必核實不敢有所濫庶不至多

所遺也

三國魏



王經母

經為江夏太守忤曹爽棄官歸母問歸狀經以實對以經典兵馬而擅去送吏責之爽聞不復罪經母常謂經曰汝田家子今仕二千石物太過不祥可以止矣經不從坐高貴鄉公事被繫辭母母顏色不變曰人誰不死往所以止汝者恐不得所也以此亡命何恨之有哉

晉

邵女

劉遐妻邵續之女驍果有父風遐嘗為石季龍所圍邵將數騎出遐於萬眾之中及田坊等欲為亂止之不從乃密起火燒甲仗都盡

北魏

房氏

魏溥妻父堪為慕容垂貴鄉太守女幼有烈操年十六適溥溥遭疾將卒以母老子矇眇為恨房氏垂泣而對曰幸承先訓出事君子矇眇為恨老不獲所願命也夫人在堂幼子襁褓願以身當少慰長往之恨俄而溥卒房氏操刀割左耳投棺中曰鬼神有知相期泉壤流血滂然助喪

者皆哀懼姑劉氏輟泣曰新婦何至於此房對曰新婦少年不幸深慮父母未量至情持此自誓耳聞者莫不感愴於時子緝生未十旬鞠育於後房之內未曾出門終身不聽絲竹不預坐席訓導有母儀法度緝所交游有名勝者則身具酒食有不及已者輒屏卧不殮須其悔謝方食年六十五而終緝子悅為濟陰太守吏民立碑頌德蓋本母教云

五代梁

賈氏

父章為鎮州指揮使安重榮殺章誣以反女尚幼欲捨之女曰吾家三十口皆遭兵存者惟吾與父耳父死吾安忍獨生并殺之

金

烏古倫氏

伯祥之妹臨洮總管陀滿胡士門之妻伯祥在朝貴中聲譽藉甚士門死王事崔立之變婦女多為所污烏古倫曰吾夫不辱朝廷我敢辱吾夫及吾兄乎即自縊一婢從死

元

蘇氏

武用妻徙家京師用疾氏封股為粥以進即愈生子德政四歲而寡夫之兄利其資逼嫁之不聽未幾兄舉家歿惟餘三弱孫蘇氏取而育之及德政長醇謹事母以孝聞詔旌表其門

明

周氏

夫死自縊殉葬詔旌其門

馬氏

李廷實妻廷實以國子生在京聽選選令未之任病卒於京氏哀慟觸壁碎首與夫同死

胡氏

庠生李綸妻十九于歸未二年綸病篤氏知不起誓與同死潛自飲毒家人覺之救得解其志終不可奪

復飲藥卒

施氏

正定衛百戶何毅妻年二十一生子甫一歲毅死哀慟水漿不入口欲自殺姑知有孕力阻乃免後生子親戚憐其少諷之他適氏曰夫亡子幼皤皤黃髮年老無依可適人乎遂奉舅姑以

終撫二子至於成立年六十二歲事聞旌表

劉氏

崔朝妻朝卒氏年二十五生子世高甫八月誓不再嫁教子成立孀居五十餘年撫按旌其門

吳氏

參將梁心妻心於萬歷二十四年忤礦使被逮羈囹圄中氏年二十四垂涕飲慟鬻簪珥以給夫用躬勤紡績事孀姑倍謹及心歿哀慟餘生冰操自矢茹荼撫諸子寒暑無間一室孤燈五十年如一日宗族閭里咸稱節孝各院屢旌其門

張氏

王慶妻慶卒年二十三以死自矢教子成立清操不變撫按旌其門

崔氏

苗通妻夫亡守節歷久不渝弟梅亦早死弟婦張氏清操自矢奉詔旌其門

賈氏

戶部尚書應春女年十七歸監生賀容甫二年容卒氏本宦家飲茶茹蕪甘之如飴年八十三卒

馮氏

梁世宦妻幼有志操通孝經內則諸書于歸三載舉子師孟逾月而世宦病氏籲天願以身代

夫卒不起哀慟欲以身殉姑王氏力解之忍死稱未亡人執婦道甚謹育子慈嚴並至師孟補諸生有聲迨年六十餘詔旌表之

張氏

戶部郎中體乾女生員何自新妻二十三歲孀居年逾七十持家有法教子勤嚴卒以成名人謂冰操熊丸

馬氏

左自友妻十八歲孀居誓不再嫁撫遺腹子成立年八十餘卒

馬氏

趙朴妻朴卒其孀利其有逼再嫁自刎以殉知縣呂一奏為傳墓表

李氏

樂城禮科給事中李冲奎女生而明慧及長識大義通文翰適官生梁思斂約不異寒素思早卒子維基方六歲氏撫孤守節三十餘年躬勤操作門庭蕭然事舅姑孝養備至年六十餘歲卒維基官郎中贈氏宜人知縣

許氏

蘇繼歐以純孝完節旌其門王兆甯繼妻兆甯早卒氏年甫二十事姑盡孝撫前室遺孤鐘龐愛與勞俱鳴機佐讀每至夜

侯氏

分不倦後以子貴受封荆布依然閨門之內和藹尤至人無間言天啟中縣令旌其門趙九經妻十八歲于歸家甚窶甫二年經卒探藿拾薪以事孀姑數月後遺腹產一男撫孤子事老親自食其力四十餘年

劉氏

徐恭敬妻二十四歲夫亡遺孤延年尚在襁褓哀慟誓死不食者累日親戚攜孤氏前多方勸慰強飲水數口以延旦夕越後徐進飲食俯仰交責始毅然為門祚之計後諸孫皆成名曾孫亦相繼成立五代共變皆氏貽謀之善也守節七十餘年享年九十三歲臺使屢有題旌

李氏

適中丞楊綵四子德輔輔早亡遺子光顯甫三歲宦業蕭條氏不辭艱苦晝夜紡績誓以課子成名為己在清操四十餘年光顯雖入泮猶時以顯親揚名勗之年歷七十三勿倦

劉氏

官生許其德妻舉人劉燦女性端誠嫻靜奉姑孝謹其德為父營葬卒於京邸氏聞之死而復甦者數次妯娌輩勸之始為加餐子一孫一俱早卒撫兩幼孫女閉戶不出者三十餘年逾七

周氏

舉人黃明珍繼室二十二歲夫卒遺前室子京

俊尚幼穉氏有遺腹日夜悲號不食翁姑撫之

曰兒亡膝下孤兒賴汝撫育若天祚吾家遺腹

復生子大黃氏者將在汝矣無庸自苦且有吾

在忍令汝失所乎氏感泣矢志靡他及產果男

也與姑同心鞠育視前子無異已出俊能讀父

書補諸生氏苦節三十餘年鄉隣皆稱賢母云

崔氏

光岱女年十五適庠生安皇祚二年祚故遺孤

嘉運呱呱在抱垂白母奄奄在堂氏仰事撫畜

不異祚存日歷三十餘年子克成名姑克終事皆氏孝慈之力也

李氏

吳銓妻銓死不嫁家甚貧窶茹藥苦守紡績易

米以奉舅姑餘市書訓子葺蔭後入邑庠孀居

王氏

崔均妻均與兄塔甫析居廬舍未定即故氏撫

蘇氏

而營創於北關故居甲第一新旋遭兵燹

又移城中卜築更壯人以爲女中丈夫

董都妻府庠守廉女幼習女誡慕效前徽都卒

母老子幼家無叔姪可依蘇工針指勤紡績孝

姑育子三十年如一日祥既有聲庠

序熊丸之教勿輟直指使旌其門

衍範女範原籍河南崇正間入徐撫幕挈子女

移家正定爲人姦貪無行曾以女許同里張氏

子值中州寇變張子挈重囊依其家匝歲範侵

蝕殆盡遂寒盟逐張於外女甫髻年憤懣不平

潛遣侍兒遺張金令白之官張懼範慮爲所弄

王氏

竟逋他鄉女計無復之旋自縊甲申之變徐撫

遇害賊黨首誅衍範暴其屍於市人以貪

殘之報而女之貞烈自是卓然千古矣

錦衣千戶梁維大妻維大卒氏年二十四相舟

自矢茹藥飲茶三十餘年如一日至六十八歲

卒撫按

旌其門

馬氏

梁清宣妻靈壽大司馬從聘孫女十六于歸恪

遵婦道宣痼疾卧床氏調護備至願以身代因

憂痺成疾夫沒氏拊心泣血粒米不進惟求相
從於地下越數日病增劇謂姑曰婦今愜所願
矣語竟而瞑有司
以事聞旌表其門

梁氏

刑科給事中梁維本女生而貞靜不苟言笑十
六歸中書舍人王原膺事舅姑以孝聞姑歿事
祖母尤謹晨夕視膳無少懈撫前室女如己
出雖出名門蕭然荆布里中稱少君德耀焉崇
正甲申隨夫寓居京邸值逆闖西遁氏偕夫妹
暨祖母避難出都城羣盜擁至氏誓死不辱顧
夫妹曰我死汝能從乎姑曰有同心也適道旁
有井氏曰清水皎潔吾與姑得死所矣遂拜辭
祖母與姑攜手投井數日後顏色如生遠近聞
者莫不悲之巡按御史嘉其貞烈題請旌表
內院典籍王鍾龐女年十二端莊貞靜未嫁
值寇變與嫂梁氏同投井死人稱為雙烈

王氏

安氏馬應宗妻

王氏張輔妻

耿氏董仲敏妻

張氏吳九州妻

趙氏燕雲妻

焦氏吳起鳳妻

黃氏霍自孝妻

譚氏何其介妻

王氏高守謙妻

盧氏張氏俱范宗淹妻兩院旌一門雙節

以上諸氏皆守節完貞者今依舊志纂入惜事迹
不傳無從立傳

國朝

王氏

楊殿臣妻于歸二載夫歿氏悲慟欲絕事舅姑
克盡婦道撫育遺孤殷勤訓迪和丸畫荻有古
賢母之風康熙
六十年旌表

胡氏白光連妻

何氏李

萇妻

劉氏王叔漢妻

王氏杜益桂妻

魏氏劉元祖母

以上五氏事迹未詳

孫氏

監生許偉楠妻年十八適偉楠甫一歲夫故哀
勤幾絕以舅姑諭強起撫孤比長脫珥解襦以
供修脯後子重輝入泮氏足迹從不出
戶外宗族稱賢母焉雍正三年題旌

李氏

重隆嚴酷暑嚴冬必紡績課讀後入邑庠雍正
三年題旌

嚴氏

把總梁宦光妻年十七于歸未三載夫故事姑
盡孝春秋祭祀豐潔繼姪承祧撫育無異已出
教讀書日就外傳夜親課之氏本宦媛而勤儉
自安閨門嚴肅足蹟不出戶外雍正三年題
旌

何氏

庠生梁準妻年十四于歸十九夫歿子女一無
所出上奉祖姑生養死葬如禮未殯七喪並安
厝之立姪昇俊為嗣守節四
十餘年雍正三年題旌

王氏

吳富福妻結褵後生二子夫歿氏紡績佐讀二
子英年俱游庠序遠近皆稱其賢雍正三年

馬氏

旌表
庠生韓纘祖妻結褵未十載夫故氏貞操自矢
事繼姑恪循婦道教子成名登賢書雍正三年

胡氏

旌表
萊陽知縣陳際顯妻副使胡麟孫女也年十七
于歸隨夫任山左崇正十六年萊城陷顯際以
身殉氏哀慟幾絕引刀自決侍兒急救之血淋
漓下舅姑執氏手流涕曰汝夫暴死城頭吾二
人垂老婦殉終身棄作他鄉鬼耳氏聞之力創收
夫屍斂焉已乃扶櫬旋里甲申之變廬井為墟
氏與夫弟泰際保聚家室不以颺搖風雨貽堂
上老人憂當夫殉難時年二十一氏亦甫笄貞
操自矢艱苦備嘗歷數十年如
一日雍正五年事聞旌表

梁氏

旌表
牛元樹妻年二十九夫亡家甚貧窶事姑盡孝
姑卒殯葬盡禮紡績積貲課週歲子成立入泮
卒年六十六雍正六年旌表

石氏

白光遠妻年十八于歸甫五載夫病革命之日
汝方娠生男則守生女則嫁氏唯唯流涕夫歿
幸生男氏柏舟自矢撫育成人白氏
宗祧賴以不墜雍正六年旌表

王氏

許濬妻年十八適濬未十載濬病醫藥鮮效氏
對夫自誓曰妾身子女俱無二親年老當繼君
志晨夕侍奉以終餘年夫卒代夫事親
備極誠孝始終不渝雍正六年題旌

張氏

劉福妻年十六適福靜好九年福邁疾氏哀籲
於天願以身代未幾夫卒奉姑盡孝矢志靡他
倚繼子以終天年
雍正六年旌表

沈氏

張士德妻年十四適士德甫四歲夫歿翁姑年
邁家甚貧二誦不繼氏日勤紡績以代子職撫
養嗣子無異已出訓之
成立雍正六年旌表

安氏

王景賢妻年二十九景賢亡哭淚成血誓以身
殉親隣以上有翁姑及祖姑下有孤子為勸遂
矢志守貞仰事俯育竭盡心力苦
節至六十歲雍正十年旌表

鄭氏

順德府教授吳宗伯之側室也年十五于歸柔
順温和事夫奉嫡皆得其歡心夫故時氏年二
十七遺孤二皆氏所出長七歲幼五歲氏剪髮
自矢以撫育為任長男娶媳相繼亡氏備歷艱
辛數十載無怨言鄉隣莫
不稱歎乾隆二年題旌

王氏

生員高崇文妻守備原陞女年二十一于歸明
大義事親孝夫故氏年二十三冰霜自矢立嗣
以延宗祀子遴奇河南撫
標守備乾隆二年題旌

李氏

趙之屏妻年十六于歸三載夫故未幾翁姑又
相繼亡氏竭力以營殯葬夫妹方三歲一女尙
在襁褓皆扶持成人吉凶大事並氏
十指之貲所出乾隆二年旌表

殷氏

谷進獻妻年十九于歸未三載夫故撫育遺孤
教養備至鄉里共稱女宗乾隆二年旌表
王之綬妻于歸七年夫故氏哀慟幾不欲生親
族勸以勉事翁姑乃飲泣以貞操自矢盡誠孝

沈氏

養遺孤七歲殷勤紡績撫養成人親
黨以賢節稱之乾隆二年題旌

李氏

吳方升妻年二十九夫故事舅姑晨昏定省孝養備至教子入庠乾隆二年旌表

周氏

庠生容有度妻夫故子丕華丕藻俱幼支持家計克儉克勤喜延名師以教子孫七十五歲卒

守節四十餘年丕藻弱冠卒丕華附貢生孫海舉人

魏氏

容有章妻魏際可女也十八歲于歸逾年夫故無子撫姪丕欽成立得入武庠府教授李旌

以徽揚彤管區鄉人又以苦節可貞匾褒之四十九歲卒守節三十年

許氏

文童容丕藻妻二十六歲夫故子監生澣方七歲上孝於姑下慈於子矢志靡他孫五人俱撫育成立卒年五十六歲守節三十年

六歲守節三十年

容氏

童生何世瑜妻庠生有度女廩生潤德母二十歲干歸二十九歲夫故奉恤緯之姑承歡養志

事失明之祖盡慎竭誠現年六十六歲

任氏

容清妻廩生任善俊女二十四歲夫亡無子一女尚在襁褓撫養成出閣後三年亦亡孤苦

王氏

王立德女張希冉妻二十一歲夫亡無子繼弟希顏子學琴為嗣愛如己子教養成立而和於妯娌孝於翁姑數十年

如一日現年六十三歲

牛氏

許維烈妻結褵方一載夫故守節三十八年仰事俯育教子入庠乾隆二年旌表

白氏

高宏文妻年十六歸文甫一載夫故事孀姑韓氏以孝稱撫繼子克承先緒乾隆二年旌表

孫氏

趙炳妻十四歲于歸年雖少即得二人歡心夫病革謂氏曰吾死無他恨但二親無人奉事盡以累汝氏涕泣受命及歿事舅姑倍謹生養死

葬一切皆循禮節歷五十年不倦乾隆四年旌表

旌表

李氏

郭廷標妻年二十一夫故事奉孀姑色養兼至子亡與孀媳同處躬操家政門戶肅然乾隆四年旌表

旌表

鄒氏

生員杜維喬妻年十三歲于歸二十七歲夫故與孀姑婁氏安貧矢志貞孝兩全卒年七十歲守節四十九年乾隆元年題旌

魏氏

生員劉質恭妾夫故時氏年十八子未週歲含哀撫育艱苦備嘗嫡旋棄世氏極悲慟情禮交盡教子得列膠庠族黨稱為賢淑乾隆五年旌表

李氏

喬廷嶠妻十六于歸甫二載夫故竭力以事翁姑撫繼以延宗祀乾隆五年旌表

李氏

史高直妻年二十七夫故守節三十五年孝事翁姑勤於教子得入膠庠乾隆五年旌表

張氏

何元鈿妻歸鈿甫五載夫故守節三十九年敬事舅姑撫孤成立乾隆五年旌表

孟氏

邢元祿妻年十六歸祿二十六夫故家素貧寒氏躬自操作以供朝夕事姑育子備極荼苦乾隆五年旌表

賈氏

梁肇基妻歸基僅三載夫故事奉翁姑克盡孝養二親相繼逝世喪葬大事一身肩之竭力經營悉克中禮當肇基身故遺孤梁純尚幼身自課讀無間寒暑弱冠游庠未幾又故一孫早逝氏撫育曾孫卒能成立梁氏五世一脉得

高氏

趙文蔚妻年十六歸蔚二十七夫故翁姑憐其貧諷之他適氏以死自矢卒成其志乾隆七年旌表

王氏

杜益著妻年十七歸著二十七夫故事親育子備極艱辛守節三十六年乾隆八年旌表

王氏

學正劉世安妾夫病焚香告天願以身代年二十一歲夫故事孀姑致敬盡禮撫孤入庠乾隆九年旌表

朱氏

劉琦妻年十七歸琦二十七夫故甘貧自厲姑老且病晨昏侍養藥餌無缺守節三十一年乾隆九年旌表

三三系示

列女

隆九年
旌表

賈氏

梁肇楨妻夫故時年二十一以仰事俯育為已任家雖貧甘旨不缺子稟義方之訓少年游泮

年逾八旬而卒乾隆九年旌表

徐氏

劉錫慶妻年二十一夫故守節五十八年孝

吳氏

蕭昌績妻年十六歸績二十六夫故矢死守志躬操家政四十六年動循禮法乾隆十一年

旌表

陳氏

何玲妻年二十五夫故守節五十四年家貧如洗歷久不渝人為難乾隆十一年旌表

李氏

馬雲飛妻年二十七夫故孝事舅姑得其歡心苦節四十五年乾隆十二年旌表

楊氏

崔澹妻結褵十載夫故上事二親下撫幼子備歷艱辛三十年如一日乾隆十三年旌表

張氏

酒思順妻年二十七夫故時翁姑俱垂白遺孤方幼氏紡績以供朝夕艱苦之狀人難堪焉乾隆

隆十三年
旌表

曹氏

寶紳妻年二十九夫故即欲相從於地下念二女呱呱在抱隱忍偷生撫之成立擇配立姪瑞

成為嗣董率讀書得游庠序宗族稱賢乾隆十六年旌表

閔氏

監生王太涵妻十七歲于歸二十七歲夫故自縊以殉幸遇僕婦救解上事翁姑歿存盡禮素

知詩書午夜紡績青燈課讀以慈母而兼嚴師教其子早歲知詩書卒年六十二歲守節三十

五年乾隆元年
題旌

武氏

童生蘇繼軾妻二十七歲夫故家業蕭條上事雙親困苦艱難視膳問安克盡婦道教育二子

俱得成立七十五歲卒守節四十八年乾隆元年
題旌

張氏

馬碩輔妻二十七歲夫故觸階欲殉翁姑慰勉猶數日不食家業窮乏竭力奉事飲食衣服針

繡以供翁姑姑壽登八旬方以壽終二子在襁褓教育成立卒年七十八歲守節五十二年乾

朱氏

隆九年
題旌

侯夢豹妻十八歲于歸夢豹舟覆滹沱溺水身
死屍沉弗獲氏繞河岸尋覓號呼三晝夜不絕
聲始於淤泥敗絮中尋得夫屍含歛如禮子二
長七歲次二歲食貧茹苦教子成立孫洳萬十
八歲入泮卒年六十九歲守節
題旌

李氏

四十二年乾隆元年
題旌

史文才妻十六歲于歸賦性端潔德言工容束
修自厲二十八歲夫故謹言慎行事上接下孝
敬和柔撫子孟昌英年入學五十三歲
卒守節二十五年乾隆元年
題旌

潘氏

孫賜妻十九歲于歸二十七歲夫故矢以身殉

水漿不入口者三日翁姑勸勉始隱忍不死翁
先姑亡姑壽登百歲夜必同床以便省視食必
先嘗務期適口喪葬盡禮訓誨二子成立卒年
六十六歲守節三十九
年乾隆元年
題旌

何氏

殷智妻十九歲于歸温恭爾雅相夫有道育子
有方喜怒不形於色二十七歲夫故持家謹嚴

婁氏

豐甯中禮長子入武庠次子中武科卒年
七十八歲守節四十年乾隆元年
題旌

順治己丑武進士池州守備杜國才妻十四歲
于歸順治九年國才卒於任所宦况蕭條氏年
甫二十四典質釵釧扶柩回里侍奉翁姑代盡
子職撫孤維喬復故與幼媳備歷艱辛本縣以
寒松矢節旌其門卒年七十九歲
守節五十五年乾隆元年
題旌

何氏

文童李鍾麗妻十八歲于歸存心和平持行謙
謹事翁姑孝待妯娌和相夫子順二十四歲夫
故遺腹兩月生子李萇弱而多病鞠育顧復得
以食餼膠庠卒年六十五歲守節四十一年乾
隆元年
題旌

白氏

章辰妻二十歲于歸翁姑性皆嚴從無怨言益
加敬謹先意承志務得歡心夫婦之間恪恭婉
順二十七歲夫病臨卒語父母曰兒死奉養無
慮吾婦必不再適他人夫故哀慟幾絕翁姑曰
婦死我必作餓餒矣乃勉強節哀所以奉養之
者無不至嘗旋母家而翁姑病時疫氏聞之即

歸父母懼其傳染以言止之曰女若不歸忍心與禽獸何異遂歸侍奉藥餌賴以無恙無子為之立嗣扶養無異已出督之耕稼訓以忠厚鄉里推為正人卒六十八歲守節四十一年乾隆元年

楊氏

題旌 監生臧應遴妻十九歲于歸二十六歲夫病謂之日吾死無恨但兩親在堂無子承嗣此未了事盡以累汝氏泣受命夫故哀慟欲絕念夫遺言勉事舅姑歿存盡禮撫堂姪士傑為嗣養育教誨歷盡勤苦及長為之娶婦生孫數年士傑及孫瑯哥相繼病歿夫存時家計蕭條僅有薄田數畝遭家變後益窘迫青燈白髮紡績時聞人皆嘖嘖稱之卒年六十六歲守節四十一年乾隆元年

楊氏

題旌 行唐民人楊志之女順治壬辰武進士臨洮守備王兆璐妾十七歲兆璐因一子單傳多病置為側室恪守名分勤苦自甘二十六歲夫故育有二子年冲幼教養成立嫡孫尚在襁保提抱

潘氏

如已出長就外傳衣食極力協辦家遭凶變年歲屢荒家業凋零日不再食終日紡績終無怨言卒年八十一歲守節五十五年乾隆元年

張氏

許澂繼配二十六歲于歸家計貧寒婚娶三日後即親操井臼二十八歲夫故撫前妻之女飲食衣服較已出加厚生子甫兩月家益貧困餬口無資撫子女歸於母家紡績自給卒年六十一歲守節三十二年

戴氏

寶志僖妻十八歲于歸二十七歲夫故無子生女甫四歲家貧厲志無間始終卒年七十歲守節四十三年乾隆元年

黃氏

文舉人黃商女監生邵儒統妻十四歲于歸二十九歲夫故事姑孝謹代盡子職撫二子俱克

韓氏

成立得宜室家仲孫得以少年入泮卒年七十三歲守節四十四年乾隆三年題旌
監生侯選縣丞高維訥妻十六歲于歸二十九歲夫故兄先亡別無兄弟以婦道兼子道曲盡孝養與嫂氏姊姒和好家庭雍穆長子宏文早亡次子入太學為佳士卒年六十九歲守節四十年乾隆三年題旌

白氏

武舉白璉女文章高宏文妻十六歲于歸十七歲夫故事孀姑孝克得歡心處姊姒常迎善氣無子撫姪承嗣得列宮墻卒年五十六歲守節三十九年乾隆三年題旌

魏氏

貢生魏希女劉善妻十七歲于歸二十七歲夫故事親教子淑慎温恭八十二歲卒守節五十五年乾隆元年題旌

劉氏

生員王斌妾十六歲歸斌為側室賦性温良秉心貞靜二十六歲夫故儉樸承家飲食服物志甘淡泊教子成立名列宮墻卒年五十九歲守節三十三年乾隆三年題旌

逮氏

王文榮妻十七歲于歸爭親相夫備極柔順二十七歲夫故育幼女閨範克端不尚浮華持家勤儉雖伶仃孤苦孝養不廢温飽之資卒年六十三歲守節三十六年乾隆三年題旌

田氏

李肇祚妻十八歲于歸二十五歲夫故姑老多病孝養無虧無子傷膏玄撫姪為嗣視同仁教養備至子能成立女嫁名門家業茂盛卒年七十三歲守節四十六年乾隆四年題旌

李氏

史尙直妻十六歲于歸二十七歲夫故長子甫六歲次子甫二歲恩勤鞠育始得成人未及中年二子相繼均故遺孫四人與二媳盡心教養勤苦備嘗家聲勿替卒年六十五歲守節三十五年乾隆五年題旌

劉氏

祁攀鳳妻十七歲于歸十九歲夫故孝養二親竭力不倦翁姑壽逾八旬方以病終無子撫姪德文為嗣年方三歲鞠育成立孫復茂育卒年五十三歲守節三十二年乾隆五年題旌

柯氏

增生王元錦妻十九歲于歸二十八歲夫故家無斗筭紡績為資自甘藜藿甘旨供親教子有

方家貧無力延師遣子猷就學間塾得入武庠卒年六十二歲守節三十五年乾隆七年題旌

程氏

葛元英妻十七歲于歸二十六歲夫故上無翁姑下鮮伯叔止有田十畝典當以葬其夫以致室如懸磬餬口無資紡績為業困苦饑寒堅心自矢子甫五歲勤於教訓自幼至長傭工奉母謙謹無過卒年七十一歲守節

楊氏

民人魏清元之妻楊生福女十七歲于歸二十歲夫卒親老子幼家道貧窶事翁姑孝養備至撫子祥雲成立卒年五十一歲守節三十一歲

劉氏

童生吳履泰之妻劉德敏之女十六歲于歸二十一歲夫卒家貧親老孝養翁姑歿存盡禮撫子貞德成立卒年五十四歲守節三十五年

王氏

童生吳佑塘妻十七歲于歸二十四歲孀居事親撫孤甘貧守節卒年七十五歲守節五十一歲

黃氏

民人呂有守之妻二十七歲孀居子喜成四歲勵志守貞備極艱苦孝養翁姑終身子孫皆能成立現年七十五歲

孫氏

民人呂德聚之妻二十三歲孀居幼子方在襁褓奉孀姑極孝待子姪媳女輩皆以至性感人卒年七十九歲守節五十七年

李氏

庠生丁鑑明妻生員李蘭德之女二十八歲孀居子女俱幼家計單寒又無翁姑兄弟依父蘭德以居孝養備至蘭德老而無子為置妾以求嗣終無子立姪以承嗣焉事父母壽終撫子女成立卒年五十二歲

苗氏

劉詠清妻二十七歲夫故事姑至孝教子有方苦節終身道光十年知府關以貞珉表德旌其門

谷氏 苗繼志妻二十五歲夫故苦節終身

劉氏 黃明德妻二十九歲夫故遺子僅三歲苦心守節教子入泮現年六十四歲誨猶不倦

孫氏 黃士英妻十九歲守義苦節終身道光二十九年御史張廷瑞主事周連仲具結請旌奉旨建坊

師氏 韓文柱妻于歸數年而夫歿生子二教以耕讀孫曾林立家業振興皆節孝之所培植也八十餘歲

朱氏 參將朱鈿女適劉某夫亡守節五十餘年卒

閻氏 張煜達妻十七歲于歸十八歲失明二十一夫卒姑亦孀居奉養三十二年始終無倦無子撫姪成立五十五歲卒守節三十四年

郭氏 賈德勝之妻郭煥林之女十九歲于歸二十五歲夫卒翁姑俱在撫育幼子賈文魁成人卒年

七十三歲守節四十八年

傅氏 增生閻上林妻二十四歲夫卒僅生一女適欒城郭姓亦早亡弟恒裕得子迎耀始為之承祀卒年六十八歲守節四十四年

賈氏 縣丞閻屢元妻二十五歲夫卒撫幼子恒裕成立現年七十二歲

李氏 平山外委王九如妻十九歲于歸嘉慶五年二月初二日九如在甘肅伏羌縣陣亡氏年二十九歲孀姑在堂子天佑遲二十八日始生家中寒素事親教子備極艱辛卒年五十九歲守節三十三年

閻氏 提督孫清元妻清元卒四川提督任所氏年甫二十餘歲二子俱幼扶柩旋里備極艱辛宦橐蕭疎無以自給扶養幼子成立道光十年知府關以崇封砥節旌其門卒年七十四歲入祀節

祠孝

王氏

世襲雲騎尉妻克端之妻十九歲于歸二十一歲夫故僅生一女適甯晉外委高棟無子嗣族姪序學四歲家道寒素撫養孤子備歷艱難子官趙州守備與其妻偕亡孫太幼弱依外孫高維嗣以居現年八十

黃氏

劉德清妻二十一歲夫故苦志守節同治元年教諭楊訓導沈以志慄冰霜旌其門五十七歲卒守節三十四年

李氏

王士林妻二十九歲孀居事姑最孝守志彌堅現年七十六歲

閻氏

都司劉經之妻二十二歲于歸三十七歲夫故六十八歲卒守節三十一年

胡氏

張煜遠妻二十五歲夫卒家計艱難且無子嗣撫姪成立隣里公送青年勵節匾表其門卒年七十歲守節四十五年入祀節孝祠

李氏

魏士傑之妻李性達之女二十七歲夫故家貧翁老孝養備至翁卒無以為生同老姑居母家

殷氏

者二十餘年無子姪作梅承嗣六十六歲卒守節四十年外委閻得俊妻嘉慶五年得俊於伏羌陣亡歷變保孤備嘗艱苦卒年八十歲守節五十年

曹氏

把總閻得賀妻嘉慶二年得賀溺水身亡氏年甫二十四歲歷變保孤克承先緒卒年八十五歲守節六十年

閻氏

外委得俊女適晉州婁底村楊姓十九歲于歸二十五歲夫故無子撫姪為嗣卒年八十五歲守節六十年

王氏

馬稱德妻十五歲于歸九日夫病月餘即故孝事翁姑始終恪慎學使程以貞心勁節旌其門五十一歲卒守節三十六年

孔氏

閻之鈺妻二十七歲夫故子恒德背生弟之銅之鈿相繼打仗陣亡俱無子嗣氏與弟婦杜氏高氏共撫遺孤得延宗祀卒年六十六歲守節三十七年

三三系下

列女

七

杜氏

閻之銅妻三十歲之銅打仗陣亡困苦艱難撫姪為嗣得以成立卒年六十二守節三十二年

高氏

閻之銅妻二十四歲之銅打仗陣亡無子與嫂孫氏杜氏歷變保孤卒年八十三歲守節五十九年

劉氏

閻之銅妻三十歲夫故無子依姪恒瑞以居卒年八十歲守節五十年

于氏

楊興仁妻十六歲于歸二十一歲生子連仲二十七歲夫故翁姑猶在堂事親撫孤温恭淑慎

秦氏

高尙禮妻十九歲于歸以義相夫以孝事親深得翁姑歡心二十九歲夫故三子俱幼堅心苦志仰事撫育備歷艱辛六十九歲卒

趙氏

文童曹鵬妻二十一歲于歸二十五歲夫故子德榮生僅四十餘日家貧親老以紡織針黹為

秦氏

成家翁姑相繼卒喪葬盡禮陰騭無限曾孫林立家業振興卒年八十七歲守節六十年

劉氏

志仰事撫育備歷艱辛六十九歲卒

趙氏

守節四十年同治六年入祀節孝祠

劉氏

業上事翁姑下撫幼子曹氏不絕者皆其力也五十五歲卒守節三十年

王

度日撫育二子成名七十七歲卒守節五十七年

王

前子寶恒尙未成童次子德樹尙幼家貧紡績

王

度日撫育二子成名七十七歲卒守節五十七年

王

庠生梁師伊妻二十一歲于歸二十五歲夫故無子生女甫三歲苦守清貧奉姑送終撫女成立適何室少亡

王

梁振綱妻二十一歲于歸二十八歲夫故無子撫姪恒茂為嗣年甫四歲愛如親生延師授室克儉克勤現

殷

王恒慶妻二十一歲于歸二十四歲夫故生女甫二歲無子撫姪貴蓋為嗣甫二歲家寒紡績

張

度日事翁姑備極孝順撫子女俱成立卒年五十五歲守節三十一年

張

王貴良妻十九歲于歸二十四歲夫故無子十餘年堂弟貴蓋生子乃得承嗣事親教子克孝

克慈現年七十歲

馬氏

文童梁劭農妻十七歲于歸二十三歲夫故生一女甫三歲無子遲二十四年從堂弟茂生得子長齡始為承嗣撫養繼子教養

李氏

周至六十九歲卒守節四十六年從九魏朝棟繼配二十四歲于歸三十一歲夫故子汝翼尚幼歷變保孤甘貧矢志卒年七十歲守節六歲

聶氏

劉璵妻二十五歲夫故無子撫姪為嗣教之入武庠同治五年正定儒學旌以匾額現年七十歲

吳氏

王丕承妻十八歲夫故家貧無子撫姪為嗣勤儉成家八十三歲卒守節六十五年田實毓妻二十一歲夫故子大成尚幼甘貧守志道光二年督學毛旌其門八十二歲卒守節六十二年

敦氏

郭氏

劉仁義妻家貧無子矢志全貞六十五歲卒守節三十九年田大成妻姑敦氏撫孤成立為之授室早七年二十四歲與孀姑甘貧共守艱苦備嘗卒年六十三歲守節三十九年

任氏

傅氏

張氏

劉氏

祝氏

李氏

李氏

苗文魁妻二十九歲夫故家貧無子撫姪為嗣現年六十五歲田畿妻二十四歲夫故家貧無子困苦終身七十五歲卒守節四十九年

田廷選妻三十歲夫故家道貧寒撫子邦雲成立八十歲卒守節五十年田邦雲妻二十八歲夫故與孀姑

劉氏撫孤成立現年七十四歲黃通元妻二十二歲夫故撫孤守志孫曾林立家業振興六十四歲卒守節四十二年

侯儉祥妻二十一歲夫故七十三歲卒守節五十二年

郭汪瑞妻李福之女十九歲于歸二十八歲夫故上事翁姑下撫幼子文起成立卒年八十二

歲守節五十四年

袁氏

趙景純妻十九歲于歸二十一歲夫故無子撫姪成立嘉慶二十一年本縣姜旌其門七十五歲卒守節

五十四年

許氏

武生趙天錫妻十九歲于歸二十二歲夫故無子撫姪成立持家勤儉善事翁姑現年七十二歲

蕭氏

監生龐清安妻二十四歲于歸二十六歲夫故自幼從父讀書長於詩詞過目不忘經書無所不讀現年七十歲

守節四十四年

李氏

張明德妻家計寒素房地俱無于歸後守分安貧備嘗艱苦二十九歲夫故子光宗方七歲光輝方五歲光祖方三歲饑寒困苦教子成名家業振興門閭光大光輝以軍功由行伍擢陞都司皆母氏劬勞之所致也卒年七十歲守節四十一年入祀節孝祠

溫氏

譚泰基妻二十二歲夫故無子撫繼子祥雲成立現年七十一歲守節四十九年

任氏

谷丕芳妻二十九歲夫故子昌壽克柔氏為昌壽娶庠生孫錫女為妻僅七月昌壽卒孫氏方十九歲過過弟子監生呈吉為嗣兩世孀居形影相弔歷變保孤任氏卒年七十二歲守節四十二年孫氏現年七十三歲其姪

舉人孫蔭棠為懸柏節松齡匾

魏氏

童生王正瑄妻文水令發榮次子從父任所父卒弟正琮送柩旋里正瑄留奠交代不數月病歿子三長定鶴七歲次定芝四歲次定瀛尚在襁褓魏氏從容教訓使三子皆入邑庠守節四十二年

而終

傅氏

童生王正儀妻十九歲于歸未及半載夫歿守節七十七年卒年八十六歲

何氏

童生王定異妻于歸五月而夫歿守節五十七年而歿

梁氏

庠生王定選妻夫亡無子守節三十二年而歿

魏氏

舉人王定樞妻定樞鄉舉後即故無子繼子庠生世瑞娶媳李氏生子殀殤而世瑞又故李氏繼子蔭豐登進士官翰林魏氏守節二十一年李氏守節二十年俱享其報

段氏

王定梅妻二十二歲夫故無子守節四十九年而歿

吳氏

七品軍功王蔭岱妻夫陣亡無子自縊以殉

殷氏

童生王世和妻夫亡投井以殉

楊氏

王世普妻夫亡無子守節四十一年而歿

梁氏

庠生王定志妻夫歿家計艱難遺四子皆幼長世斌官固關守備次世歟官武邑外委次世隆官湖南宜章守備次世敷大沽千總均賴梁氏教訓成名守節三十二年而歿

蔡氏

馬金章妻十九歲于歸二十九歲夫故子女俱幼翁姑在堂蒙難堅貞深明大義事雙親喪葬盡禮教孤子入監讀書六十七歲卒守節四十年同治六年本府王題請旌表入祀節孝祠

蕭氏

張雲瑞妻十八歲于歸二十七歲夫故遺孤尚幼翁姑在堂紡績奉親朝夕訓子堅貞厲志毅然為門祚之計子孫相繼成名皆貽謀之善也七十九歲卒守節五十二年

張氏

張傑女傑無子亦無同族之人承嗣二十三歲父亡其母趙氏乞養異姓子一人女恐其母之失所也立志守貞終身誓不擇配昏定晨省晝夜匪懈二十五歲母亡嗣弟甫九歲經理喪葬事宜及家務田產險阻艱難數十年不倦其弟婚娶後出外不返十有餘年毫無踪跡一姪僅十四歲令其就傅讀書閨範最嚴不許伊弟婦出閨門亦不許歸省以杜嫌隙道光二十八年

李氏

同治十一年卒於家年七十四歲
文童陳鳳儀之妻十八歲于歸二十八歲夫故生子曉林甫七歲教育有方入泮為增廣生八十六歲卒守節五十八年

胡氏

梁懷璞妻二十歲于歸二十四歲夫故生子甫數月事親撫孤周詳懇摯持家勤儉條理井然

現年七十二歲

蘇氏

何守儀之繼室未婚守節入祀節孝祠前知府景前知府關旌以匾額工部尚書前編修通州白鎔為立童節蘇氏傳

容氏

徐德明妻子歸未幾而夫沒無子嗣子名三甫一年亦天亡現今無可承繼者現年八十二歲仍以織紉自給

張氏

增生何叔棠妻二十五歲孀居家不中資兒僅五月伶仃辛苦矢志不渝事舅以孝稱接娣姒以賢著宗族交推人言

張氏

無間現年六十二歲監生何梁繼室二十六歲于歸未及一年而孀母患癱症二十餘年出入扶持未嘗少怠鄉隣嘉其孝旌以孝壽全貞匾額卒

聶氏

廩生何汝寬妻十九歲于歸二十六歲孀居翁姑年邁子保安僅三歲嗣子栖桐僅九歲仰事

黨氏

俯畜一身兼任奉雙親存亡盡禮教二子次第游庠六十八歲卒守節四十二年徐達道妻于歸數年而夫亡無子止生一女結褵後於壻家就養焉現年八十二歲

房氏

何謙妻于歸甫一載即孀居守節諸事勤慎克盡婦職姑病凡藥餌食物衣服衾枕皆親自檢點與之同卧起者數年姑臨終謂之曰吾重累吾媳其將何以為報乎

韓氏

何禧妻守節四十二年何昂妻子歸半載即孀居年甫十八歲守節五十五年

戴氏

韓得祿妻二十六歲夫故撫孤子錫齡成人七十五歲卒守節五十九年

張氏

梁仁忠妻夫死子幼撫養成立官東明把總守節三十一年

張氏

梁登第妻夫死無子守節五十一年

李氏

陶守仁妻夫死無子繼子金科守節四十九年

婁氏

文氏

駕司王榮恩妾知中江縣發善生母也年十八歲于歸榮恩歿後家貧子少獨力支撐養生送死撫孤成立守節五十五年

劉氏

王鎮豪妻二十二歲適豪生一女尚幼子定一甫三歲氏賦性貞良于歸五稔勉相夫事翁姑能執婦道夫歿家業凋零粗糲自甘奉翁姑食必精潔晚歲因子定一隨任巴蜀少男穉女啼饑號寒率媳夙夜紡績以辨衣食茹荼若薺未聞出一怨尤語乾隆十二年題旌入祀節孝祠

張氏

庠生李保中妻守節四十餘年七十歲卒

趙氏

南雄知府維基側室京師人事維基二十餘年無所出而謹愿不事鉛華不尚綺維基疾亟孀子清標善視之氏躬白操作刀尺縫裳熒熒燈火不肯暇逸稍閒則端坐頌佛每月茹素之日居多一衣必再澣且數年不易一身外不輕預家事或米鹽醯醬之事偶有所屬咄嗟立辦

崔氏

其性方嚴強力如此卒年七十
四歲清標為作行略以傳之
劉清相妻十七歲于歸二十七歲夫故生遺腹子興邦上事老姑下撫幼子紡績度日守節三十六十五歲

侯氏

文童梁鍾岳之妻年十八歲適鍾岳二十二歲鍾岳亡無子女撫育胞兄鍾寅之子清為嗣家寒以織紡度日持家勤儉訓子周全雖屬過嗣愛如親生氏現年七十二歲

曹氏

秦德妻二十六歲孀居子恒泰撫之成立娶妻張氏事姑頗孝夫婦亦和逾數載而恒泰亡時婦年二十八歲無子女家又寒而張氏念寡母無依誓不更嫁以紡績為養身之計本縣儒學以節孝嗣美旌其門姑現年八十歲婦現年六十歲

劉氏

伍清魁妻十九歲于歸二十一歲孀居無子女翁姑在堂小叔方六歲上事雙親沒存盡禮撫育小叔清選成立為授室生子鵬翔為氏承祀克勤克儉家業振興現年七十一歲

秦氏

武童張文信妻十九歲于歸二十五歲孀居勤儉持家恤孤憐貧廣行善事卒年八十九歲守節六十四年

陳氏

武生陳繼志妻二十歲于歸二十六歲孀居善事孀姑始終不倦以孝行著現年六十一歲

倪氏

龐有禮妻十九歲于歸二十九歲夫故生三女一子家貧以紡織為生撫三女一子俱成立擇配授室艱苦備嘗八十年

劉氏

王恒壽妻二十歲于歸三十四歲夫故生子三長出繼二門次甫七歲三甫五歲女一為子延師為女擇配俱得成立老姑七十

吳氏

賈贊妻十九歲于歸甫十月夫亡孀姑瞽目事之克盡婦道六十六歲卒守節五十七年

鄭氏

李永鏊之妻盛暑之時姑老患病在室侍奉湯藥不離床褥者月餘竭力盡心卒得無恙族里咸以孝稱

朱氏

王世達妻十八歲于歸事舅姑孝謹二十六歲夫卒子蔭遠甫四歲族人議曰孫少婦幼家貧烏能守宜葬塋外曠地舅惑之比葬昇柩至西偏氏見之一慟幾絕家人慰之曰兒成立尚可改葬乃不復哭姑亡繼姑文氏生一子一女食指繁家益落攜子歸母家紡績度日舅病歸侍湯藥未幾舅亡數月繼姑亦亡家居數年嫁其妹盡以已之妝奩給焉教子成立克盡孝道子婦尤婉順慈孝裕後勤儉持家卒年七十一歲守節四十五年沒後改葬延師相之地甚吉遂不遷

趙氏

何五魁妻十九歲于歸翁姑俱老克諧以孝三姊一妹從無閒言二十九歲夫卒於京子六歲女九歲田產有限食指甚繁接連孀嫁姊妹家愈不支姑因哭子喪明舅得半身不遂症竭力扶持飲食便溺皆身任之又每日清晨漱口為姑餽眼翁卒後姑又項患惡瘡洗瘡敷藥數月始痊姑以冬寒苦脛冷氏每與同卧以溫之及卒喪葬盡禮不以家貧而草草也子玉麟因艱

窘不能讀書出外作生意薄田六七畝澆灌耕耘無間寒暑玉麟無子又繼堂姪之子為孫現年六十八歲茹苦守節者三十八年矣

孫氏

徐殿元妻夫沒舅姑在堂家貧子幼膳養均出針指偶有不給賴之母家子四人教以耕讀為業合族稱孝人無閒言

楊氏

徐振方妻三十歲夫沒子三人長殿士次殿中三殿甲生甫十月教養成人耕讀為業守節四十四年

曹氏

李上達妻于歸時舅已沒姑在堂家貧備力供養者二十餘年姑沒未幾夫亦沒且無子喪葬大事獨力任之有堂兄弟不屑賴也有勸改嫁者輒指誓天日使其人赧顏而去人共以為鐵石心腸云守節三十年

孫氏

王道常妻年二十歲于歸兩月許而夫亡撫繼子韞居如已出子甫四歲教養成人耕讀為業

守節三十二年

徐氏

倪勤妻歸勤七年而夫沒于生甫七月教養成人得入國學孫璠六品銜守節五十三年

王氏

吳大成繼室歸大成四年而夫沒年甫二十一歲繼于連璧方四歲教養成人得入國學守節四十四年

徐氏

監生孫大慶繼室歸大慶六年而夫沒前室子青鶴甫十歲撫之如已出教養備至得入國學守節三十七年

馮氏

王植之妻二十一歲夫亡子女俱無繼一姪為己子教養成人儒學教官給予心凜冰霜匾額表其門道光二十八年奉旨建坊

張氏

倪壽妻十七歲于歸二十四歲夫亡二子俱幼孀姑在堂家計單寒紡績度日仰事俯畜克勤克儉老姑壽終二子成立現年七十二歲守節四十八年

李氏

小孫村增生范中清之妻事翁姑至孝內外無閒言乾隆五十九年夏有一道人至村言二三日必有水患村人以為妖爭相詬訾惟李氏勸其不可越三日未時水果至淹死者十有八九惟李氏合家人等得後而去絕食三四日而未傷一人及至岸遷居戰村善事翁姑教子孫皆就外傳以織紡供資費子孫名皆成就家小康至今書香綿延不絕卒時九十歲咸豐六年正定儒學旌其門

嚴氏

文童李大成妻行唐文生嚴鏞之女二十二歲夫沒家赤貧孀姑失明奉事盡禮朝夕無懈無子擇猶子之賢者以奉夫祀躬親紡績教養成立鄉里稱賢卒年六十七歲守節四十五年從九品翟仁民之繼室青年孀居屢遭艱苦保兩孫成立持家勤儉有法道光十年本府關旌以匾額入祀節孝祠

吳氏

庠生曹應龍之妻于歸二年餘而夫卒時年二十五歲誓以身殉因子繼先尚幼家人勸解而

王氏

劉氏

止弟從龍欲奪其志堅執不從乃析筋另居親操井臼以紡績自給子十歲遵夫遺命遠就外傳及入泮猶供給不懈親友議請旌表終不敢當卒年七十歲守節五十五年民人魏用妻道光十一年夫故時年二十七歲咸豐三年卒守節二十三年經京官具結呈請旌

馮氏

董其祥妻嘉慶二十年其祥身故氏時年二十四歲矢志守節沒於道光二十年年四十九歲守節二十六年經京官具結呈請旌表

吳氏

武童錢連生妻嘉慶元年于歸時年十九歲八年夫故時方二十六歲上事舅姑沒存盡禮撫子行寬行敏身列膠庠道光十九年題請旌表七十九歲卒守節五十二年

呂氏

董希天側室二十八歲夫故持家勤儉教子有方守節四十三年道光二十年題請旌表

齊氏

儒童黃世澤妻道光八年于歸年十九歲甫七月而夫故掩門撫棺欲自盡者數次家人苦勸

始止自怨自艾不出閨闈以奉養舅姑為事偶歸母家必晏出早回父母或挽留之涕泣日兒防外議也族黨親戚間長者敬之幼者恤之嘖嘖稱嘆無間言二十八年病故時年三十九歲守節二十一年道光二

王氏

梁靖之妻乾隆七年于歸十三年夫故孝事翁姑撫嗣子鉞成立守節五十餘年道光二十三年題請旌表

王氏

民人王達之女文童尹世準之妻十七歲于歸生子未育三載夫故年甫二十歲事翁姑孝處家室和撫姪尹灝教養備至同治元年題請旌表

郝氏

張純修繼室三十歲夫故撫前室子振邦成立家業振興現年八十五歲守節五十五年陸天元之母生九歲而父亡受母之教家業振興孫曾林立現年八十歲守節五十年

張氏

陸天元之母生九歲而父亡受母之教家業振興孫曾林立現年八十歲守節五十年

趙氏

康二小之妻被王小五調戲羞忿投井死同治六年旌表

劉氏

唐榮成妻二十八歲夫故子岐山生五年矣家僅中貲孤寡幾不聊生而果毅剛明課兒不事姑息家政井井內外肅然不數年家漸裕親族鄉黨困窮者周恤之乾隆甲申餘糧封閉不肯出糶夏季大水城外親族同日來奔者男婦大小六十餘口逐人安置女舍於內男舍於外擇其中之才者委以執事為厨皂為食棚食必同時上下一律食雖粗糲而人無閒言為子岐山娶張氏卒繼娶聶氏亦士家女岐山早卒遺子女三人姑媳同心秉持家政男婚女嫁家室雍熙一日聶方稟事笑曰後勿爾也汝自為之言訖而逝時嘉慶四年九月也年七十九歲守節五

聶氏

唐岐山繼室也前室遺子撫之如已出自生子二女三教養無私不避嫌怨三子均得成立岐山卒事姑至孝持家勤儉克嗣徽音臨下慈和鄉黨悍忤者聞風感化卒年六十歲孔憲瑞妻十八歲于歸二十四歲夫故家計單寒撫子慶振成立卒年八十六歲守節六十二

劉氏

孔憲瑞妻十八歲于歸二十四歲夫故家計單寒撫子慶振成立卒年八十六歲守節六十二

年

楊氏

譚德妻十七歲于歸二十八歲夫故家道貧苦子女俱無依母家之姪楊玉麟以居同治十一年卒壽八十四歲

聶氏

何啟泰之妻樂城縣監生聶克儉之女年二十歲夫亡無子撫堂兄何迺衡之子師曾為嗣愛如己出苦節五十年卒年七十三歲

李氏

張儒鴻繼配夫舊有癆症甫過門而夫即亡撫極孝家庭之間上下和睦鄉人莫不稱善

譚氏

孫開印妻于歸數年而寡無子矢死不嫁且家無近支隻身獨處紡績自給有憐其苦者勸其改適輒詈之現年六十

何氏

孫鸞弱妻于歸數年而寡子甫周歲不數年而子亦死家綦貧惟以針黹度日艱苦備嘗絕無

他志

李氏

徐得成妻于歸數年而夫卒孀姑在堂二子登路登徵方數齡上事孀姑下撫幼子備嘗辛苦姑年八十始終平生敬老惜貧門有行乞婦人攜幼子者命家人施以衣親戚中有不能娶者命給資財經理之賴以成室家者三人二子承慈訓雍雍孝友終身不析卒年八十歲孫曾滿前長孫增瑞已列膠庠矣

婁氏

焦膺祿妻十七歲于歸四十三而寡子女無存嗣子得壽教養備至性貞潔好節儉温恭敬慎喜讀觀音金剛諸經事翁姑至孝家清貧翁每暮歸奉以餅餌無不整潔家政親自操作不辭辛苦家業漸裕子孫滿堂督責不少假借卒年六十有五

馬氏

王文成妻二十七歲于歸二十四歲夫故長子錫綸甫二歲次子錫綬生甫十二日節哀順變持家有法家業振興教子成名長入武庠次入國學卒年八十一歲守節五十七年同治六年

三三系示

列女

三

楊氏

知府王題旌
入祀節孝祠
生員王元諒繼室二十歲于歸二十一歲夫故
勤儉持家代夫立嗣卒年八十八歲守節六十
八年府縣俱旌其
門入祀節孝祠

吳氏

王德固妻十六歲于歸十九歲夫故逾三月方
生子朝宗一門孤寡主持無人明敏艱貞慨然
以治家為己任上事孀姑下教幼子孫曾林立
家業振興五世同堂親友作歌以頌美之卒年
七十三歲守節五十四年府
縣俱旌其門入祀節孝祠

尤氏

王慶昌妻十七歲于歸十九歲夫故誓不再生
家人多方勸慰卒不飲不食矢死以殉學使龐
旌其門入
祀節孝祠

計氏

王得元妾二十八歲夫故撫孤成立勤儉成家
針灸尤工有求必應七十七歲卒守節五十年
入祀節
孝祠

馬氏

王榮宗妻二十歲夫故撫孤成立夫兄榮增亦
無子置資為兄置側室生二子以延宗祀事孀
姑計氏孝而賢淑修內政禦外侮艱難險阻無
不備經家業賴以不墜撫兄子為嗣合婚日勤
勞過甚暴疾卒新婦未及見也
年五十八歲守節三十八年

何氏

許禧泰繼室二十八歲于歸事親至孝撫前室
劉氏子如已子越年餘夫故遺一子纔數月夫
弟禧來禧鵬俱幼家又清貧惟以儉樸自安身
勤紡績以供仰事俯畜之資翁卒殯葬從厚撫
二子成立教二弟俱入泮宮現
年六十八歲守節三十九年

劉氏

魏善聞妻二十七歲夫故無子撫姪用中為嗣
年甫六歲撫之成立得入邑庠四十九歲卒守
節二十二年同鄉刑部主
事孫堪具結呈請旌表

白氏

朱其光妻其光卒孀姑在堂子尚幼氏茹哀奉
姑三十餘年宗黨嘉歎及卒誠其子曰汝已成
立吾死無憾惟奉姑未終為一生不了事耳
蓋是時姑年將八十尚在故也子瓚監生

孫氏

朱其宗繼配其宗三十餘歲卒留一子未周晬
含辛茹苦教子成立守節二十七年終子玉磬
儒生

劉孝女

湖南副將劉元慶之女幼知書明理喜觀忠孝
節烈之書父病故旋里母老弟幼毫無宦囊誓
不守人奉事孀母家無奴僕操作皆自為之暗
淡無華妝束不加修飾凡有求婚者力辭之其
志終不可奪年四十二

武氏

監生焦恒泰妻子焦桐妻劉氏咸豐四年恒泰
卒五年桐相繼卒兩世孀居同撫孤孫備歷艱
苦十年孤孫亦夭亡撫姪孫成立同治三年姑
媳同請旌表武氏六十八歲卒劉氏四十八
歲卒於家其母猶在也

牟氏

史莫妻千總連泰女夫亡守志家綦貧
事母白氏至孝宗族鄉黨皆稱述之
史行義妻十九歲夫亡性情敦厚
溫柔奉翁姑至孝六十四歲卒

溫氏

白氏

史尊美妻稟性溫良三十二歲夫
亡七十七歲卒守節四十五年

李氏

張栗妻李實女二十五歲夫亡並無子女撫繼
子為嗣勤於教養俾得成立事翁姑孝養生送
死無間始終現年五十六歲守節三十年

張氏

張貴臣妻嘉慶元年貴臣出師湖北陣亡張氏
方二十歲翁姑在堂家計清苦生事死葬在在
盡禮咸豐六年卒年八十三歲守節六十一年
孫連仲咸豐八年隨德大人破江浦縣大柳莊
賊營保賞六品藍翎

張氏

全桂妻嘉慶元年桂出師湖北陣亡張氏年二
十七歲孝事翁姑沒存盡禮道光二十六年卒
年七十九歲守節五十二年

文氏

全岐山妻嘉慶元年岐山出師四川在營病故
文氏方三十一歲孝事翁姑沒存盡禮道光十
四年卒年六十七歲守節三十六年

張氏

楊發桂妻嘉慶四年發桂出師湖北陣亡張氏年十七歲孝事翁姑沒存盡禮道光二十一年卒年六十歲守節四十四年

張氏

劉廷選妻咸豐八年廷選在浦口陣亡張氏三十六歲甘貧守志同治十二年卒年五十二歲

馮氏

李祥妻咸豐八年祥在浦口陣亡馮氏三十八歲守節今猶在

鄭氏

何某妻於嘉慶元年出師湖北陣亡鄭氏年十七歲青年守志孝事翁姑咸豐二年卒年七十歲守節

張氏

傅百梁妻嘉慶元年百梁在湖北陣亡氏聞訃椎心泣血招魂安葬幾不欲生而撫孤以慈事親以孝躬行節儉家業日興道光二十一年卒年八十一歲守節四十五年孫連仲業儒

李氏

傅元善妻嘉慶元年元善在孟家集陣亡屍被賊焚骨殖未返氏年二十九歲上無翁姑下僅有前室子方祿方十二歲伶孤苦舉目無親以節儉持家以義方教子備嘗辛苦丕振家聲

李氏

道光九年卒年六十二歲守節三十四年劉日信妻二十七歲孀居六十一歲卒守節三十四年

王氏

劉秉誠妻二十八歲孀居現年七十三歲守節四十五年

王氏

武繼增妻三十三歲夫故祖姑及孀姑俱在堂王氏孝養備至祖姑八十七歲孀姑八十三歲始終無子止生二女撫邢家莊邢姓之子為子甫四月恩養成人名際唐子孫昌盛家業振興

李氏

節六十四歲卒守節六十二年任八兒妻十七歲于歸二十一歲夫故生無子女其舅繼異姓子以為之嗣仰事俯畜人無閒言舅卒後子不善持家業漸凌替與其媳皆不孝備嘗辛苦難給養殮氏外出傭工自謀衣食仍以其值接濟家中老病不支始還鄉里

徐貞女

卒凍餒以終八十三歲卒守節六十二年徐老升之女父母無子矢志不嫁奉養二親繼異姓子撫之成立娶妻生二子早卒與姪婦共

撫之皆少亡父母之祀卒絕竭盡心力抱恨以終七十餘歲卒

劉氏

變保孤堅貞自矢八十五歲卒守節六十年

馬氏

文童孫蓉妻年十九于歸事翁姑孝姑任氏病親侍湯藥未嘗暫離繼姑傅氏亦奉養無缺二十五歲夫故長舅樹榮甫三歲次樹華係遺腹子少長教之勵學克自樹立家業振興樹華太學生孫錫齡庠生錫疇業

儒守節四十餘年卒

孫勤妻于歸勤數歲而夫沒遺腹子凌雲教之成立得入國學孫修桐捐授六品銜曾孫廷魁亦入國學享壽七十餘歲卒

何氏

張清選女十九歲適李振興之子李增玉二十歲生子惠明二十九歲夫故上有鰥翁下有幼子家道貧苦仰事俯育備極艱辛迄今惠明成立一子承祧三房李氏宗祀得延皆維持不墜之力也現年六十一歲守節三十三年

張氏

張氏

張清選女十九歲適李振興之子李增玉二十歲生子惠明二十九歲夫故上有鰥翁下有幼子家道貧苦仰事俯育備極艱辛迄今惠明成立一子承祧三房李氏宗祀得延皆維持不墜之力也現年六十一歲守節三十三年

一歲守節三十三年

孫男女皆繞膝矣和平莊正族黨鄉里間遇有

敬慕其風現年七十九歲

梁氏

王定惠妻道光丁未夫故子不久亦卒孤孫蔭綉甫三歲連遭大喪家計零落氏含酸茹苦勤儉自持三十餘年撫孫成立成童授室現已曾

孫男女皆繞膝矣和平莊正族黨鄉里間遇有

敬慕其風現年七十九歲

陳氏

高得妻年十六歲于歸未半年夫即病故氏矢死無他奉事舅姑逾於往日無子以姪震為嗣視若己出全無芥蒂七十四歲卒臨危囑其子曰不必厚葬薄田數十畝貽之子孫吾死瞑目矣守節五十八年

武童高尚德妻二十三歲夫故止生一女未及

周歲其祖母生子產後中風卒氏以乳養幼叔

陳氏

以果餌啖已女人皆以為難以姪景清為嗣過則督責功則勸勉卒能樹立無忝先人同治二年縣令朱公敏齋以節孝流

芳額旌其門現年六十三歲

生員自修女適生員馬自新數年而夫亡無子

張氏

嗣子雙富教以耕讀成家宗祀賴以不墜守節

生員自修女適生員馬自新數年而夫亡無子

三十

張氏

業儒栗琳之妻也十六歲歸栗不逮事舅姑惟伯父伯母是依克執婦道甫一載而夫故矢志

韓氏

閒言公舉貞節郡守王題勁竹冬青匾旌其門生員馮遵矩繼室于歸十數年而夫亡生子三

師氏

香不斷鄉里稱為世家守節三十年韓文社妻自幼守節家寒以紡績度日撫育二

謝氏

曹鈺妻于歸十餘年夫故老姑在堂二子俱幼門衰祚薄孤苦無依以紡績之資供甘旨之奉

朱氏

程合妻十八歲于歸二十一歲夫故子女皆無矢志不奪服事王父母及翁姑委曲盡心

三人各與一子視若己出並令入學讀書重傳尊師致敬盡禮今年逾七旬勤儉持家猶始終無倦云

趙氏

王天泰之妻趙金佩之女二十歲于歸三十歲夫卒親老子幼事翁姑孝養備至殯葬從厚撫

張氏

王天澤之妻張銘之女十八歲于歸二十七歲夫卒親老子幼事翁姑孝養備至殯葬從厚撫

梁氏

武童史芝妻十九歲于歸二十九歲夫亡無子止生一女甫四歲上事翁姑極孝中事兄嫂極

方氏

武童劉德慶妻十九歲于歸三十二歲夫亡三子俱幼孀姑在堂持家克勤克儉孝於親慈於幼使之各得其所七十

四歲卒守節四十二年

馬氏

序班吳潤紳妻夫沒氏年二十七歲家世單傳舅姑年邁以思子故日夜悲傷氏多方慰解事之倍謹誓志守貞孝慈兼盡撫子錦雲錦霞孫業昭業晉皆入庠現年六十六歲

郝氏

王俊鬼妻翁姑老夫性愚魯夫歿氏年二十餘歲翁又歿家極貧姑逼其改適氏誓死不二以紡績度日姑年九十有九而歿氏事之數十年未嘗少懈氏年七十餘歲無疾而逝鄉黨咸稱其孝

張氏

孔慶朋妻十七歲于歸越十年夫歿長子四齡次子尚在襁褓翁姑在堂年已衰老氏井白自操紡績度日後翁姑患病數載不離床褥殷勤服事無間始終撫養二子俱得成立現年六十七歲

張氏

文童牛金城妻十七歲于歸二十一歲夫卒遺二子長三歲次週歲矢志守節善事翁姑翁歿長子亦卒氏哀慟幾不欲生又念孀姑垂暮次子無依忍死操持止孝止慈賢聲四遠現年六十五歲

龔氏

劉汝達繼室生子尙愷二十三歲夫亡撫前室子尙恒尙思如已出教養兼資二子俱得成立持家勤儉老而不倦現年六十歲

王氏

劉名成繼室性謹恪二十一歲于歸二十五歲夫亡生子保甫八月撫孤周至然不溺愛有過督責不少寬持身矜莊笑言不苟現年六十九歲

廣平干總李嶽妻趙氏

監生張輝妻尹氏

魏凌雲妻張氏

生員王炳妻柏氏

文童王燮妻馬氏

李士效妻崔氏

陸克敬妻王氏

劉詠清妻苗氏

李傑妻都氏

高起蘭妻王氏

苗尙禮妻高氏

吳祐發妻牛氏

以上諸氏皆於道光十年經知府關附祀節孝祠

惜事迹不傳無從立傳

趙氏

劉之俊繼室二十九歲孀居撫前室子玉琢恩勤倍至琢長督學不怠遠就名師及其入泮日吾可以見亡夫矣謹事翁姑孝無閒言貞守四十餘年道光二十九年卒年七十二歲

趙氏

陝西守備文炳女也適儒童劉玉珊年二十八而夫卒性凜烈不苟言笑夫無昆弟翁姑年邁遂代子職家無廢事撫兩姪為嗣使其一耕一讀及二親歿喪葬盡禮同治十二年卒年六十歲

六歲

曹氏

趙仁祥妻祥卒時氏年二十無族子為嗣茹冰藥者四十餘年子亦先亡與媳曹氏均守苦節現年七十五歲

王氏

張芝妻二十六歲于歸二十九歲孀居孝養翁姑慈愛前子現年六十四歲守節三十八年

張氏

庠生楊榮誥繼室無極舊族素嫻禮儀二十歲孀居子華祝甫三月家雖富有苦節自持事翁姑孝接娣姒和畜臧獲以恩教子孫皆蜚聲庠序道光十七年卒壽七十九歲守節五十二年

何氏

童生朱延恆妻貢生何佩蓀女十七歲于歸二十歲夫故止生一女孝養翁姑奉養無間承繼之子名本彰教養過於已

高氏

出守節三十餘年矢志靡他
儒童李希賢妻十七歲于歸十八歲夫故事翁姑至孝族隣無不稱賢又為故夫擇立子嗣為娶妻室翁沒之時喪葬盡禮謹守婦道善事孀姑卒年五十三歲守節三十五年

焦氏

郡庠生白欽明之妻乾隆五十五年夫歿氏年二十四歲孝養翁姑無倦遺一子纔六歲

烈女

教之讀書嘉慶初年子入泮請有旌表並蒙督學吳賜貞孝女宗匾額道光十二年卒守節四十年

郝氏 郡庠生白永清之妻雍正十年夫歿氏年二十六歲家小康承夫遺命教子遠就外傅子孫皆入泮氏享壽八十餘歲精神不減鄰里皆呼為烈女乾隆五十一年卒守節五十四年

張氏 從九品白文明之妻世襲雲騎尉張鵬齡女事翁姑至孝年二十五歲夫歿家貧無子姑母年逾六旬日失明氏親操井臼以織紡供養內外無間言同治四年卒守節三十七年

范氏 張清彥之妻二十歲于歸六年清彥卒撫堂弟廷棟之子貢琦為嗣氏上事孀姑下撫幼子族黨嘉歎五十一歲卒守節二十六年

范氏 武生清瑞之女適儒童劉玉璠二十四歲而夫亡性柔順知書美撫姪為嗣自孀居後家業中落紡績勤苦率姊姪以事翁姑現年六十七歲

趙氏 增生崇信之祖姑也質性儼然生而股艱於行自謂不能事人誓志不嫁父母亦聽之持身端潔獨處一室及親歿家道小康家人請主家政再三乃許之同居數十口罔不稟命而五十六年節操如一整理家計外仍端坐室中不妄發一言戚黨皆稱以貞姑卒於雍正初年

張氏 李小小妻年二十餘夫卒事祖母翁姑存盡禮撫孤子教養成人現年七十餘歲與子孫勤苦自守鄉里稱之

葛氏 魏延祿之妻二十五歲夫故家貧如洗苦不可言奉舅姑至孝教子孫成名卒年七十六歲守節五十一年孫學禎阜平汛外委

雙烈傳

梁清遠

烈婦梁氏余叔都諫素洲公之女太常卿王公之子婦今鄜延兵憲王君之配也幼讀書明大義當甲申賊破都城烈婦與其小姑名慶者毀容深藏乃不爲賊所窺及賊遁祖姑許太淑人曰賊遁矣吾輩不乘此時還鄉里將何待遂携以行踉蹌至彰義門見婦女爲賊驅以行者有與賊並騎者有騎而歌笑自若者烈婦曰夫非良家婦與何恬不知恥若此倘吾爲所掠有死而已然死於道路不如死於此地之爲愈也許淑人曰吾尾賊賊不反顧烈婦曰如反顧奈何

山定縣志 卷四十四
語慶曰我死姑能從乎慶曰願隨嫂死烈婦意遂決
視道旁有井烈婦曰清泉皎皎吾與姑得死所矣遂
携以投井後數年烈婦以夫貴得贈恭人然不稱恭
人而稱烈婦者重其死也慶許賈氏未成婚宜稱烈
女而表之爲雙烈云

梁子曰明祚移而死國事如范閣學倪司農輩何其
烈哉若婦女則無傳焉吾所知者烈婦烈女同出一
門奇矣余嘗聞秦人言賊敗歸西安自西安又遁遁
時閉婦女一室舉火焚之所焚者則皆爲賊所驅及
與竝騎騎而歌笑自若者也夫失身而猶不免於死

死且慘至此始信烈婦之所見卓矣然非讀書明大
義亦何能幾此乎

姪孫婦何氏奉 旨旌節紀之以詩

梁清适

余自貫角日識余宗從孫時方作諸生元配屬名門
高堂雙白髮雁行七季昆羣稱少子賢新婦尤軒軒
余未成人從孫死天道茫茫乃如此從孫往矣婦伶
仃烈志遙從十九始立愛有子舞膝前三遷之教居
擇里四十年來鬢已皤萱砌含飴子復子巾幗鬚眉
事多難一門先後停七棺慨然脫珥營窳窳觀者如

堵弔者歡前年兒子賦采芹孀母破顏意欣欣苦節
半生報成立告之所天心如焚 天子闡幽曰咨汝
內外臣工無妄舉循名核實表門閭 鳳詔煌煌聞
天語噫嘻乎世人娶婦願同歸一死一生願已非
何幸柏舟名不朽藁砧地下有餘輝

童節蘇氏傳

白 鎔

童節蘇氏常山郡之南郭人何守儀聘定繼室也未
及婚而守儀病且殂時氏年二十三歲聞訃志不改
適謂其兄曰予雖生於寒族未讀書史然嘗聞諺云
烈女不更二夫此大義也予雖受聘名分已定今將

終老於何氏矣且予小孤未逮事父母聞何氏有母
在得而事之甚願兄聞之惶遽勸喻再四卒不回又
邀親串申勸焉氏垂涕而言曰諸尊長恐予之不能
終其守耶恐予之少不自檢以召外謗耶第無慮予
爲此正欲愧夫世之二三其德者兄不獲已乃白於
伯氏守仁而迎歸焉旣歸修婦職善事孀姑飲食衣
履無缺乏姑恐其意未堅故折挫使之而氏無怨言
且愈謹姑歿哀毀異於常人伯氏妻梁善病不能力
操作又家貧無婢僕凡舂汲炊爨縫紉浣濯一切皆
氏身任焉日用或不充氏甯已饑而不以饑人甯已

寒而不以寒人推多讓寡出於至誠姪媳王病委頓
牀褥者累歲朝夕守視飲食藥餌皆抱持哺啜每呼
爲女而不以婦視王因得痊姪壽山每爲人述之未
嘗不感激流涕也氏之歸也伯氏以其幼子子之氏
撫育恩勤不啻所生不數歲而殤再繼則又殤氏乃
凄然曰是命也予安之而已自氏之歸以逮其卒得
年五十歲蓋守節二十有八年先是本郡太守景公
敏聞其畸行給額表闕至是甫能合例請旌於
朝而氏已卒矣噫嘻悲哉氏之軼事至今隣族稱之
者無間言伯氏以其最幼子嗣焉

論曰未婚而節其事不合於經然以不必節者而節
焉非真節能如是乎况夫世之節者或以貴或以富
大都有所賴以成若無所賴而然又可數數觀哉烏
虜可以傳矣

于氏傳

王世勳

于氏者余姻家何公鴻受側室也生具神力尤精技
術平居和順於人未嘗忤雖其家無知者曾夏日晒
醃菜二巨甕於庭約重數百斤會雨暴至家人招衆
升之階衆至而甕已在階上詢知氏所爲始大驚異
又嘗有盜警家懼甚氏結束而進曰勿憂諒此么麼

妾足禦之聲未絕已騰上高瓴往來巡邏矯捷如飛盜皆驚散初氏歸時有革屨二枚刀一履鐵底緣底以革繩綴雖數十皆長二寸許勒繩則錐森然前豎刀重十餘斤銛利如霜雪問何携此以先人遺物不肯棄擲對至是乃知卽其素所用也蓋不啻百人敵云
論曰氏之武勇豪俠丈夫中亦鮮其儔顧身懷絕技斤斤守閨禮抑然如無能者不猶難乎且余又聞冢室遇之頗虐而終身無怨言果爾雖古賢姬何能駕以勇力紀氏猶淺之乎論氏矣

正定縣志卷四十五

金石

金石一門於地理職官人物足資考證謹遵通志凡例詳加搜葺彙萃成編亦考古者之一助也碑文不盡錄

燕壽星石刻

漢文帝元年丞相周勃立石明知府武尙賢識今在府署關帝廟

後漢臺長蔡君頌碑

任鎮府漢隸最佳見雕邱雜錄引集古錄

北齊常山義七級碑

聲偶頗奇怪字畫亦佳往往有古法見雕邱雜錄引
集古錄

隋龍藏寺碑並陰

張公禮撰正書開皇六年十二月立今在隆興寺

唐大理卿郎穎碑

李百藥撰宋才書貞觀五年十二月立在府北郎
氏墓林中見寶刻類編引集古錄

唐平公官屬題名

平公穎也在穎碑陰

唐隋尚書左丞郎茂碑

李百藥撰張師邱書平公孫餘令題額貞觀五年十
二月立在府北郎氏墓林中見同上

唐陶雲德政碑

張義盛撰無書人姓氏高宗三年立在正定府衙門
下見寶刻類編引集古錄雕邱雜錄言筆迹迥麗歐
陽公至正定碑已扑抉之土中立於廡下今無存

唐解慧寺三門樓贊

李宥撰周嬴金行書大厯十二年立開元寺三門石
柱上又有大定中題名及唐人題名甚多今門已傾

上定縣志 卷四十五
二
圯石柱尙存

唐正定令柳合譽紀德碑

裴伉撰並分書開元三年立見寶刻類編按金石錄
作十二年

唐河侯新祠頌

秦崇撰王宴行書開元九年四月立

唐正定令杜望之遺愛碑

李琚撰並分書開元二十五年立見同上

唐清河郡王李寶臣紀功碑

王士勣並大字正書名風動碑永泰二年立今在大

公館

唐成德軍斷碑

無書撰人姓名亦紀李寶臣事大字行書在府署

唐疊嶂樓碑

獨孤霖書咸通十一年十二月立見寶刻類編

唐梁公儒碑

于廣撰閔宏靖書並篆額天祐十三年立見同上

唐北平王再修文宣王廟院記

高諷撰並正書天祐十五年立見同上案天下金石
志有漢宣文廟碑蔡邕隸疑誤

隋鑄像殘碑

分書中有我大隋字文不全亦無書撰人姓名
唐殘碑

正書字多漫漶中有中書令及鎮州字樣按中書令
唐官鎮州亦唐憲宗所改

唐佛像幢

正書天寶十一載八月十三日立面刊佛像旁刻施
舍人姓名

唐經幢

正書咸通十三年三月十三日立已斷

周經幢

別駕張琛正書廣順三年七月一日建

以上俱無州縣地方現存崇因寺無梁殿道光年間
知府沈濤移置

宋龍興寺鑄像修閣碑記

僧惠衍撰正書乾德元年立在隆興寺

宋龍興寺鑄大悲像並閣碑

田錫撰吳衍行書端拱二年立在隆興寺

宋真宗孔子贊並加號詔

王嗣宗行書大中祥符元年十月立在府文廟

宋成德軍修滹沱河碑

清源石巨撰正書元豐八年三月立在府文廟

宋諭河北勅碑

大字行書不著書人姓名亦無年月因勅中有神考字定爲宋碑但不知哲宗徽宗耳出於土中今嵌於天甯寺壁上

宋龍興寺大悲閣記

葛繁撰正書紹聖元年立

宋告顏子文

蘇軾撰見天下金石志

宋容膝二字石刻

朱子正書旁有晦翁二小字在陽和樓

金定林禪院通法禪師塔銘

王瑄撰並正書成蒙亨題額貞元元年四月立在舍利寺卽後寺

金郎村王石氏造玉石羅漢題字

題字四行行六字正書正隆三年九月造在隆興寺大殿東羅漢殿內

金龍興寺陀羅尼經幢並廣惠大師塔銘

僧法通撰洪道正書大定二十年十月立在隆興寺

東禪院

金通鑒大師塔銘並陋羅尼真言幢

僧慶善撰圓昭正書明昌七年十月立在城西門內
月城今塔圯幢廢拋擲路旁字尚可辨

元十方萬壽禪院斷碑

正書猴兒年四月初六日立碑已倒文半剝落爲平
山莊產四至立也在前寺

元萬勝陀羅尼真言幢

正書餘刻萬歲禪院莊產四至行書憲宗二年四月
立在舍利寺今幢圯石扑字尙完好

元重修大龍興寺功德碑

趙從證撰僧從印正書憲宗九年四月立在隆興寺

元龍興寺重修大覺六師殿記

僧永住撰顯仁正書大德五年九月立在隆興寺

元武宗加封大成至聖文宣王勅碑

王思廉識許維則正書史熺篆額大德十一年立在

府文廟

元長明燈記

僧承恩行書延祐元年立在隆興寺

元勅賜龍興寺帝師碑

趙孟頫撰並行書延祐二年立在隆興寺

元聖主本主長命碑

王思廉撰趙孟頫正書延祐四年立在隆興寺

元正定新建府署記

郭士文撰推官田元亨書泰定二年五月立今嵌府

署東廊壁上畿輔金石志作大定乙丑誤

元加葺宣聖廟記

李尤魯翀撰虞集隸書至順三年立在府文廟

元龍興寺重修大悲閣記

僧法洪撰張國維行書至元元年十二月立在隆興

寺

元正定路樂戶記

歐陽元撰李黼正書徐夬篆額至元四年閏八月立

在府文廟

元石香爐題字

王彬立男克己正書至元六年七月立在城南十里鋪

元龍興寺通照大師碑

瞻思撰安童行書楊俊民篆額至正六年八月立隆

興寺

元龍興寺宏教大師碑

瞻思撰安童行書楊俊民篆額至正六年八月立在隆興寺

元勝公和尚道行碑銘

答失蠻撰並行書至正十三年四月立在隆興寺

元秦王夫人施舍長生錢碑

王訪撰並正書至正十四年三月立在隆興寺

元宣聖廟塑像記

楊俊民撰王恪正書堃速塔邇題額至正十七年八月立在府文廟

元喜雨堂記

級納錫璋撰在府署今無存

元史天澤祠碑

王博文撰見明一統志在城外東北隅元丞相史天澤始為正定督帥有德政及卒義士彭士和等構祠祀之中丞王博文撰碑今祠圯碑亦無存

明夏言詩祠碑

夏言作並大字行書在縣文廟

明絜矩二字石刻

知縣郭衢階重修縣署名其堂曰絜矩萬曆五年立在縣大堂

明張元善石刻大字

元善字純庵陝韓城人官通判字曰高大光明曰邵德堂曰進士第曰敬恕並正書萬厯元年立在府文廟崇聖祠

明呂大器石刻大字

字曰松風蘿月嵌隆興寺東院壁上今壁圯石扑字尚完好

明徐標石刻大字

字曰忠孝廉節巡撫徐標書崇禎十六年立嵌六忠祠壁上

正定縣志卷四十六

藝文

通志新例藝文一門專錄書目分經史子集載明卷數以本方人所著在前而宦游者附後其雜文詩賦則分注各條既存詩文亦於事實有裨正定博通經史者無多即詩古文辭流傳亦少非無著作也北方板刻維艱工此道者又謙讓未遑不能出而行世置之篋笥徒飽蠹魚遲數十年子孫不善保守外人不克表章即烟銷燼滅矣所存者不過千百中之十一耳 本朝梁蕉林相國王椒園臬使何春渠進士著

作甚富而板行者十無二三焉則其他可知矣謹就
見聞所及細心搜葺以備甄錄明以前亦從舊志擷
出附於前

漢

王禹 樂義二十四篇

晉

張宴 著有漢書行世

宋

王舉正 平山集 中書制集 內制集共五十卷

金

蔡松年 著有詩集行世

蔡珪 補正水經五篇 合宋齊北魏志作南北史

三十卷 續金石遺文十卷 晉陽志十五

卷 文集五十五卷

馮翼 著有詩與樂府行世

李杲 用藥法象一卷 辨惑論三卷 脾胃論三

卷 醫學法門三卷 靈臺秘藏五卷 此

事難知二卷 溯洄集 外科精義

元

蘇天爵 國朝名臣錄五十卷 文類七十卷 詩稿

七卷 史稿三十卷 松廳章疏五卷 春

風亭筆記二卷 黃河原委 遼金紀年

王約 史論三十卷 高麗志四卷 潛邱稿三十

卷

高明 文集五十卷

瞻思 四書闕疑 五經思問 正大諸臣列傳

審聽要訣 文集三十卷

楊俊民 滹川文集

明

梁夢龍 海運新考三卷

王藻 閒吟詩草一卷

國朝

梁維樞 玉劍尊聞 姓譜日牋 內閣小識 見君

子曰牋

梁清標 蕉林詩集 蕉林文集 棠村詞 蕉林隨

筆 棠村樂府 蕉林奏草

梁清遠 雕邱雜錄 絃園詩集 絃園文集 櫻史

劉駿譽 詩集一卷

韓令楷 聿修錄十卷

梁允植 藤塢詩集八卷

梁清适 南游草一卷 村居雜詠一卷

王榮勣 永定河志 澄齋詩草

梁 彬 無染稗記

梁用梅 香草齋詩集

吳元特 易經遵朱講藝

王鍾岳 香亭詩草

王元諒 退菴詩草

梁朝鼎 西村詩草

梁瑞霖 四惜軒吟草

王發傳 廓亭日錄 詩文集

王發信 世德堂詩草

王榮增 夢溪詩鈔

王正悅 霽亭詩草

王正榘 碧桐山房詩稿

王定柱 鴻泥日錄 大學臆測 中庸臆測 從政

餘談 周易瑣箋 老子道德經註解 金

剛心經註解 闕妄扶統錄 六壬註釋

王發棨 揀耆堂詩草

王正訓 桐雨山房雜組 怡怡軒詩草

王正琮 方壺詩草

何詒需

四書酌註

易經酌註

書經酌註

詩經

酌註 成周徹法演

碧霞齋制藝

古

藤軒制藝 課徒草

文心針度

擬陰隲

文試帖 古文傳贊

王定寓

柳林漁笛詩餘

秋舫詩稿

王世永

老榆書屋閒吟

王定鶴

十石齋詩草

王定瀛

村居閒錄詩草

孫述祖

詩文集

王定愈

痘疹捷要

何夢蓮

東垣農歌

紫霞集

倚鞍吟

記里鼓未

定草 青雲基 奏議稿

何良棟

讀史管見

倣古學步

抱恨編

病中吟

何澄

文集一卷

崔起潛

射藝詳說

評定戚少保紀效新書

詩集

朱世漪

幽風詩一卷

月令詩一卷

百姓羣

集十卷

朱峨

痘疹詳解

傷寒集要

正定縣志卷末

雜志

雜志者佚事也事之正者編入各門其佚事足以資
考鏡廣見聞何可缺而不錄舊志未編入茲編前從
府志摘出後博采衆說參互考訂彙爲一卷而稽古
摘粹訂誤闕疑述異庶佚事不至湮沒云爾

府教授最出人才宋元祐間鄭居中除正定府學教授後
兼中書門下侍郎蔡京變亂法度居中每爲徽宗言之
及遼叛臣李良嗣陳滅燕之策朝議約女真夾攻居中
以寒盟結禍力諫士論韙之又焦養直堂邑人以才器

稱元世祖新立典瑞監思得一儒者居之或以養直名
進卽召見由正定路儒學教授超拜少監至元大德間
入侍帷幄多所陳說每徵引古義以諷切時事上嘉納
之遷集賢學士詔傅太子啟沃尤誠至大元年授集賢
大學士謀議大政悉與焉余讀史慕其爲人因想此二
公在職時其立教興行必有可觀故書之

府志

燕南記唐恆州司戶谷况撰專記成德一鎮事元瞻文孝
公思亦著有鎮陽風士記皆郡實錄也

離邱
雜錄

宋歐陽公集古錄載後漢臺長蔡君頌碑在鎮府漢隸最
佳又北齊常山義七級碑文聲偶頗奇怪而字畫亦佳

往往有古法

離邱
雜錄

正定神女樓趙武靈王夢神女於此令羣臣賦之此真夢
非如宋玉微辭余詩云神女樓空雁塞孤照眉池泗半

寒蕪邯鄲賓客皆能賦誰似朝雲楚大夫

漁洋
詩話

蜀漢劉先主東伐子龍諫曰國賊是曹操非孫權也宜早
圖關中因河渭上流以討兇逆其識甚偉設用其言舍
孫權而取關中秦隴嚮應漢室可興又子龍引霍去病
之言曰匈奴未滅何以家爲今國賊非但匈奴未可求
安須天下平定各反桑梓歸耕故土乃其宜耳嗚呼忠
義流溢智勇兼全子龍可謂有古大臣之風陳壽以爲

灌滕之徒失之矣栢鄉魏相國貞庵之論如此府志

唐人詩云花開蝶滿枝花謝蝶還稀惟有堂前燕主人貧亦歸邱文莊反其詞曰於今燕子加蝴蝶不入尋常矮屋中郡人梁少宰葵石謂文莊知道者何尙有不能忘情燕子之意因又反其詞曰戀花蝴蝶殊無味燕子依人任所歸矮屋正宜寂靜好何須蝶燕亂飛飛余以爲翟公之雀王謝之燕總是一般熱眼人強分冷暖便隨物化夫嗜酒之與戒酒其心之爲酒所動也一而已矣正定潭園之勝自唐已著歷五代至宋時屢見名人題詠元劉靜修父隱居於此歐陽文忠公寄田元均詩云莫

忘鎮陽遺愛在北潭桃李正網緼司馬文正公送李宣徽知正定詩云幕府事閒刁斗靜碧潭佳景日開樽韓魏公和李侍郎新荆流杯詩云清潭時一望搔首莫能簪又荅李密學詩云遙知潭上酌多少插花人則其勝况概可想見惜至今無知其地者相傳在北城下恆陽書院後或曰楊園其故址也雕邱雜錄

宋眞宗時田敏屢有戰功史載敏遇敵鎮州之北大破之於馬頭嶺契丹請和今新樂南二十里有馬頭舖疑卽其地府志

趙子昂寄題正定明遠亭詩云未到新亭上先題明遠詩

雲間歸鴈小山外夕陽遲薩天錫春日鎮陽柳溪道院
詩云城外青溪出洞門道人歸去日長曛柳花滿地無
人掃隔水遙看是白雲過鎮陽城南觀音院詩云柳色
暗藏溪上寺露華偏濕水邊僧門前天映荷花滿出水
遊魚夜戲燈觀三詩則知明遠亭柳溪道院城南觀音
院皆勝地也今俱不知在何所

雕邱
雜錄

王弇州言正定有蚩尤塚七所每當祭蚩尤其日白氣貫
天梁少宰葵石云余固未嘗聞此事其別有記載而公
述之耶抑事去今幾百年而遂湮滅之耶書此以爲吾

郡異苑之一

府志

明甲申之變闖寇未有掠正定意火攻右營參將李茂春
出守固關聽部卒白二謀假檄惑人二月二十三日牌
至巡撫徐標碎之斬其使麾下都司謝加福偵探未回
家丁王國傑等夜縛標出西門殺之加福因衆立爲首
擅行爵罰生殺此邑志所載也聞之西寇村康姓老人
謂渠祖康某當時日擊言正定兵久惰悍負牌人見殺
畔卒遂萌異志二鼓後以寇警逼撫軍於城西徐愕然
問所以一人已刃其頸矣遂入城搜中軍官於署東隣
斬之并屠其家三十餘口後此地時聞鬼哭日暮斷行
人故立廟鎮之按廟今在郡城西南隅邑志載撫標中

營署在縣治南或卽其地但明史一統志以謝加福爲中軍遊擊與此異查崇正十四年巡撫黎玉田奏攻火攻左右兩營則死節之陳三捷當是火攻左營遊擊外撫標尙有中前後三營受屠者在縣治南爲中營謀逆之謝加福意卽前後營將中軍疑訛也抑縣乘都司之云恐亦有本

府志

集古錄載隋郎茂碑李百藥撰在鎮府北大墓林中大墓林今並不知其處矣又郎穎碑李百藥撰宋才書字畫甚偉不知在何所穎茂弟也或在一處

雕邱雜錄

雕邱雜錄云元人鍾嗣成錄鬼簿載有傳奇行於世者白

人甫號蘭谷李文蔚侯正卿號良齋先生尙仲賢戴善甫江澤民俱正定人才學之士也今郡邑無傳焉記之以俟考

老學菴筆記云保壽禪師作臨濟塔銘云師受黃蘗印可尋抵河北鎮州城東臨滹沱河側小院住持名臨濟其後墨君和大尉於城中捨宅爲寺亦以臨濟爲名其事甚詳近見呂元直丞相燕魏錄載正定安業坊臨濟院乃昭憲皇太后故宅按保壽與臨濟乃師弟子不應有誤豈所謂臨濟院者又嘗遷徙耶自宋至今又五百餘年卽臨濟院安業坊俱不可考矣城東大小臨濟以名

其村或其故址耶雕邱雜錄

雕邱雜錄云明末余剡徐中丞平日不郵軍士中軍王姓者更以剝削為事一旦流寇臨城中丞欲如張許所為士民亦大感服奈軍士恨怨中丞方誓師指揮捍禦之事而頭顱已不保矣嗚呼節義果可襲取哉按此則康姓老人所云被屠中軍三十餘口當是王姓謀逆之謝加福縣志謂為麾下都司似無疑義

山海經稱秦戲之山滹沱之水出焉有獸如羊一角一目其名曰羴至今郡有羴羊祠每霖雨河水溢則有青羊昂首隨波上下即此神也雕邱雜錄

崔仲鳧洹詞記安陽張士隆為晉州判官有御史惡其抗禮滹水將汜正定堤御史曰判官能完之否張命楫筏比次堤下水觸木輒遁梁少宰葵石謂滹水實為郡害此法亦可權救一時府志

正定開元寺鐘為唐以前物聲甚遠順治十八年寺傾圮僧自成發願修築三年未成入京廣為勸助工獲竣落成日有五色雲爛熳初如方幅錦繡若圓蓋騰覆浮圖上瞻拜者人人駭嘆其始鑿地基丈餘得石函緘封密固上書貞觀十年建五字僧眾愕然撞鐘集郡人環視不能辨當時無敢發之者或曰舍利也見被園集

唐顏忠節遇害有張奏者收其髮後奏以髮至夫人疑之
憑床而哭忽聞聲如鞭床者髮跳箱而前夫人方駭信
之按宋史文信國盡節後廬陵義士張千載收其齒髮
授公夫人歐陽氏一日夫人夢公怒曰繩嚙髮斷矣啟
函視之髮爲繩束過急幾斷異而埋之正氣歌云爲顏
常山舌二公異世同揆其精靈不昧亦先後一轍而收
齒髮者又並姓張誠異事云

府志

金時郡有孝友之家曰許氏兄弟輯睦爲一鄉最其居室
之南生瑞竹由地而上十二節而中分爲二又六節而
復合一時士大夫謂其有以致之也多賦詩以美其事

淳南王若虛作瑞竹賦

雕邱雜錄

彭乘墨客揮犀云鎮陽於諸節中尤重寒食是日不問貧
富皆製新衣煥然滿目云一歲終惟此日易衣後雖甚
敝不復易至來歲是日復圖一新也且引沈佺期謫嶺
表日詩云嶺外逢寒食春來不見錫鎮陽新甲子何日
是清明爲證

府志

明正定王順以廉幹重於鄉人稱爲太和先生其爲隣郡
折疑獄一事甚奇詳載本傳中梁相國玉立論曰自郡
縣吏競爲鷙擊取名譽士卽負卓犖材姓名不出里閭
間先生以布衣奏效長吏之庭聲馳河朔一何偉也而

太守慎刑獄能不自任老吏又能舉賢以成太守名皆有古人之風豈獨先生矯矯可傳哉雖然余猶惜太守能屈先生而不卽薦之臺使者以聞於天子使竟其用也漢世敦崇行誼由韋布辟功曹掾屬往往游歷公卿列候後人困於資格如先生者不克一當張釋之徐有功之任顧令以布衣終老嗚呼亦足以徵世變矣府志正定長春巷明崇正前連街接弄爲宴遊勝處順治以來歌樓舞館化爲廢井荒池滯風衰止是維風者所深幸然亦可爲民間財力虛贏之一驗也君子閣日箋

雕邱雜錄云郡人張世傑苦癯爲異過一人

又授以外丹吳小泉者市硃砂適遇之張問爲吳姓天喜曰吾得異術師教遇口姓人當同事今其時矣遂從小泉歸試之俱有驗張面墨每久坐則紅飲食至多或不食小泉嘗見其所授之師行如飛急行不能及後不知所終

傳燈錄曰慧淨俗姓房氏常山正定人隋國子博士輝遠族子生知天挺雅懷篇什風格標峻器宇冲邈弱歲更曉文頌十四出家志業宏遠日頌八千餘言總持辭義

罕有其比邑乘未載

雕邱雜錄

歐陽文忠公鎮陽殘杏詩有雕邱新晴暖已動砌下流水

來潺潺之句被園集云此地先太宰創為別墅古木蒼然烟雲四繞夏荷秋菊時復爛熳一切蔬笋菓實魚蝦菱芡皆具讀之殊怡我情曾幾何時而風流頓歇為惘然者久之

歐陽公鎮陽殘杏詩自註云雕邱水在州西十五里以長渠引走城中以今計之即雕橋也橋是邱字之誤長渠固在然亦不能貫城中惟老槐參天似猶文忠公時物

雕邱雜錄

唐陶雲德政碑歐陽公至正定見碑仆在府門外命工掘出立於廡下筆跡迺麗今無存

雕邱雜錄

東坡與孫子發柬云過正定見楊采朝議此人有實學隱德河朔似此者以一二數矣其子迪簡亦善吏某已舉之東坡不輕許可觀此則楊君父子自是郡中有數人物乃竟湮沒不傳可嘆也

雕邱雜錄

韓魏公謝正定李密學惠牡丹詩云窮邊無處覩春榮咫尺常山似洛城會得主人將雅意欲教鄰境伏香名全開正弄朝霞色半謝猶含暮雨情只上賓筵共一醉也勝渾不見芳英蓋魏公帥定州而李為正定守始之牡丹故謝以詩也雕邱雜錄云郡牡丹自昔稱勝余弟大司馬柏棠園尤多異種

正邑風雅之士元末蘇大年竹石師東坡采木師廉宣仲
詩尤流麗清新雷塘詩云吳公臺下雷塘路錦纜牙檣
行樂處當年玉樹後庭花夢裏相逢惜春暮君不見東
家北舍人未歸落花滿地蝴蝶飛又霜塘春雨綠波濃
古塚寒烟蔓草空斜日欲沈山色近行人無處問隋宮
又長橋詩綠陰高樹映清潭一舸夷猶酒半酣最愛西
城城下路長林烟雨似江南三詩置之唐人集中莫能
辨惜未覩其全集

雕邱
雜錄

文獻懷友詩云卓犖恆山老相逢幾抱琴五年風雨別四
海弟兄心雪外梅花遠山中桂樹深定知稽叔夜高興
度雲林梁少宰葵石謂詩意似爲蘇伯修先生作也

眞定墨君和幼名三旺世代寒賤以屠宰爲業母懷妊之
時曾夢胡僧携一孺子面色光黑授之曰與爾爲子他
日必大得力旣生眉目稜岸肌膚若鐵年十五六趙王
鎔初卽位曾見之悅而問曰此中何得崑崙兒也問其
姓與形質相應卽名爲墨崑崙因以皂衣賜之是時常
山縣邑屢爲并州中軍所侵掠趙之將卒疲於戰敵告
急于燕王李匡威率師五萬來救之并人攻陷數城燕
王聞之躬領五萬騎徑與晉師戰于元氏晉師敗績趙
王感燕王之德椎牛醢酒大犒于藁城犒金二十萬以

謝之燕王歸國比及境上爲其弟匡儔所拒趙人以其有德于我爲營東圃以居之燕王自以失國又以趙主方幼乃圖

伏甲俟趙王旦至卽使擒之趙

王請曰某承先代基構主此山河每被鄰寇侵漁困于守備賴大王武略累挫賊鋒獲保宗祧實資恩力顧惟幼懦夙有卑誠望不忽忽可伸交讓願與大王同歸衙署卽軍府必不拒違燕王以爲然遂與趙王並轡而進俄而有風並黑雲起于城上俄而大雨雷震擊至東角門內有勇夫袒臂旁來拳毆燕之介士卽挾負趙王踰垣而走遂得歸公府王問其姓名君和恐其難記但言

曰硯中之物王心志之左右軍士旣見主免難遂逐燕王燕王退走于東圃趙人圍而殺之明日趙王素服哭于庭兼令具以禮斂仍使告于燕王匡儔忿其兄之見殺卽舉全師伐趙之東鄙將釋其憤氣而致十疑之書趙王遣記室張澤以事實答之其略曰營中將士或可追呼天上雷霆何人計會詞多不載趙王旣免燕王之難召墨生以千金賞之兼賜上第一區良田萬畝仍恕其十死奏授光祿大夫終趙王之世四十年間享其富貴當時閭里有生子或顏貌黑醜者多云無陋安知他日不及墨崑崙也

注出劉氏耳目記

唐昭宗時有黃賀者自云鞏洛人也因避地來涉河遊趙家于常山以下筮爲業而言吉凶必效時趙王鎔方在幼冲而燕軍寇北鄙王方選將拒之有勇士陳立劉幹投刺于軍門願以五百人嘗寇必面縛戎首王義而許之翌日二人率師而出夜擊燕壘大振捷音燕人駭而奔退立卒于鋒刃之下幹卽唱凱而還王悅賜上廐馬數匹金帛稱是俄爲闖人所譖曰此皆陳立之功非幹之效王母何夫人聞之曰不必身死爲君未若全身爲國卽賜錦衣銀帶加錢二十萬擢爲中堅尉初幹曾詣賀卜卦成而謂幹曰是卦也火水未濟終有立也九二

之動曳輪貞吉以正救難往有功也變而之晉明出地中奮發光揚恩澤相接子今行也利用禦戎大獲慶捷王當有車馬之賜其間小變不足憂之行軍司馬路晏曾夜適廁有盜伏焉晏忽心動取燭照之盜卽告言請無驚懼某稟命有自察公正直不忍傳刃卽匣劍而去晏由是晝夜警惕以備不虞召董生筮之卦成賀曰惕號暮夜有戎勿恤察象微辭人有害公之意然難已過矣但守其中正請釋憂心亦終無患也又贊皇縣尉張師曾卧病經年日覺危殆良醫不復進藥請賀卜之卦就董生告曰无妄之疾勿藥有喜請停理療五日必大

瘳也師果應期而愈又數十年師夢白鳥飛翔墜于雲際既覺心神恍惚召賀卜算之賀決卦慘然而問師曰朝來寢息不有夢乎必若有夢其飛禽之象乎且雷震山上鳥墮雲間聲跡兩消不可復見願加保愛樂天委命而已張竟不起時年七十一也又有段誨者任藁城鎮將會夜宿郵亭馬斷韁而逸數日不知所適使人詣肆而筮之賀曰據卦睽也初九動者應有亡失之事無乃喪馬乎勿逐自復必有繫而送之者也迨未及舍已有邊鄙惡少牽而還之賀所占卜皆此類也時人謂之易聖公劉巖曾詣之生謂曰君他日必成偉器然勿以

春日爲恨初不曉其意及老悟蓋遲之謂也 出耳目記

楊廷璋之父少時嘗漁於 裘陂忽有馳騎至以石雁授洪裕一翼掩左一翼掩右曰吾北嶽使者也言訖不見是年生淑妃明年生廷璋

常山曲李甯太史作存之可爲余郡故實聞到君家處城頭見大行羊腸九折坡似妾日迴腸夜夜夢魂飛北向常山路化作率然身首尾終相顧滹沱河有冰仁合旋乍泮君心莫疑妾冰心妾不變中山千日酒長醉有醒時惜別心如醉年年無盡期 雕邱雜錄

城外綠柳森列葱鬱之致足爲地靈增勝自兵興到處告
警無藉子哆口談兵謂樹密則弩矢機石不便憑城射
打當事誤信而盡芟之一望濯濯殊覺崇墉削色且城
外池不知所由舊屬守備府縣不得過而問焉數歲前
一二鄙人飫蓮藕之利不難竭澤致西北面鞠爲蒲葦
淤幾於堤岸等夫業夷於原壤而仍以池隍名城守亦
何賴焉又池內有甘泉數十處水從城東南隅響闌流
出成渠十餘里溉田百頃今池淤泉壅惜哉舊志

長老每言數十年前家類飼蠶曲直棋篋不具則以游惰
貽譏今顧寥寥矣墻下之樹止供斧斤何女紅之爲也

衆咸謂自滹沱河橋樁爲累瀕河之民不利樹木尺株

寸幹戕賊無遺遑問十年之計哉舊志

滹沱河橋在城南八里遇創橋時委省祭官二員將官銀
散給各鄉居民收買椿木柳稍秫稻每領銀一錢私加
數倍兼收放不時奸徒需索貧民深受其累舊志

宋史李至字言幾母張氏嘗夢八仙人自天降授字圖使
吞之及寤猶若有物在胸中未幾生至及長辭華典贍

宋太宗太平興國八年轉爲翰林學士羣書集

事淵海

劉有餘爲諸生時萬曆甲申除夕廣文鄧先生夢順天督
學送公文到退公文書也夢中甚惜之及覺喜曰黜退

者出學也劉生今秋其得雋乎果舉乙酉孝廉己丑會試公方入場筆忽響如爆竹聲心異之場畢投宿馬頭店日方晡因錄試詩文筆忽響如前遂登進士先是公少時與同學者四人言及乩仙事一生能之各問功名皆有絕句皆勉勵含糊語一生曰四生皆問功名大仙不明言豈皆無成耶答曰四子一朱衣後三子皆終諸生惟公登第蓋一朱衣之應云

有餘令安邱閱諸生卷首馬應龍次張文炫問廣文楊某曰二生平素若何楊曰馬久負盛名今少挫張固佳士但未登高等耳請易之公曰首卷文雄古次卷亦非尋

常不可易也次年學使李霖寰考試青州案出馬亦第一張亦第二與公考相同後馬卯辰連捷魁名張亦成進士後任澄城課諸生無所稱許諸生成訕爲肉眼及試童子獨稱韓一良筆力疎爽與衆不同諸生成嘖之以爲是子方學文安及吾輩後歷數科而澄城中者惟韓一良諸生皆服

劉駿譽字實甫生有異質六歲能詩諸老生爭先傳誦至今傳爲神童少宰梁公三才子傳曰張瑀劉實甫許符度皆才士也使其脫穎而振耀於世豈不足黼黻皇猷也哉乃俱汶汶以沒惜哉又曰余嘗讀實甫筆架銘及

王糝美說俱落落自異其見稱於人如此

劉宏譽爲諸生時省親蓬萊路過堽兒庄坐庄外石上命僕覓宿處一老人見之喜甚延請至舍盛設以待怪而問之老人曰夜夢甚異爲君述之夢自外來風雷大作忽而雨雹幾無生理適見庄外石上一鳳獨立予趨至其傍鳳張一翼以蔽之因而覺悟遂候於此自朝至暮惟君坐此石焉日後予必有奇禍君當爲救予之鳳也願君勿忘吾夢後十年宏譽司李登州見盜中有一人髮長覆額帶鎖荷校跪於臺下熟視之乃堽兒庄老人也宏譽斷事如神盜不能欺一訊卽吐其實蓋衆盜詐

彼未應遂誣之爲盜前任司李已成其罪宏譽廉其寃而釋之竟應前夢亦異事也

明萬曆二年歲次甲戌上京村高德因掘土得一金杯酌酒有一童男童女杯中盤旋因獻上恩賜聖廟祭官現有誌石可考

梁相以厚道教子孫甘守柔懦不與人競鄉隣中有始富後貧而鬻田者價本不昂而仍艱於售公憐而買之書券畢卽封其值於正值之外另封白鏹如其值倍以予之田主驚問故公曰此田非爾先人遺爾以度活者乎爾今鬻之不得已也我今奪爾子孫之食以養我之子

孫亦非得已也我倍子爾值爾可以其半應目前之急
 餘其半別為營值勿以鬻田之故而遂失所則有以安
 爾子孫之身者即以安爾先人之心而吾之心亦用以
 少慰且吾之所以為此者聊以全吾不忍之意並以教
 我子孫不欲乘人之急而奪其所有非欲示德於爾也
 公生平行事類此者甚多其還金一事張氏已有傳奇
 傳之不復綴也後以子夢龍貴封冢宰

節錄無
 染稗紀

梁彬幼有異稟記誦日數千言由郎署四典外郡仁厚好
 義散千金無恡色或叩門告急輒指困與之不問多寡
 引疾後貲業漸落而好施如故宛平王醉李錫曾投以

詩曰愁雲滴滴劇生寒灶突今朝又禁烟欲學魯公乞
 米帖故人已用賣琴錢醉李生平與先生契分最深每
 霑逮河潤故其自言如此蓋紀實云

節錄王定柱
 無染稗紀序

武舉劉允中才兼文武百步外夜射香頭無不中者又以
 善書名碑記牌坊多其手迹文人學士莫不斂手推服
 王蔚王藻以文求正於楊中丞宜始不加點止以原文繳
 漸加單圈一二日可以中矣既加單圈五六日是可必
 中昆仲皆連捷蓋中丞視學江南時決瞿景絕必中會
 元而其發較遲尤瑛早發而不能中會元後悉如其言
 王龍攀生而俊爽年十五應童子試學使孫文定公喜其

英少與堂姪發傳並查通場中年極少者七人另置一
席於煖閣旁手書片紙首題童子六七人次題亦有仁
義而已矣使人監視恐代筆也龍攀與發傳卷早完先
交俱蒙錄取

王良驥生而穎慧讀書過目不忘入泮時年甫十一學使
江南顧宗師見其文套用韓菼稿喜曰童子亦知效慕
盧先生也又謂人曰視學畿輔日中未見一佳士惟得
兩娃子差強人意其一北京黃叔琳其一正定王良驥
是二子者將來未可量也

吾郡副都御史劉元慧者吾家之甥其母則余之族老也

也元慧赴禮闈年甫十八三月將放榜母夫人以春暖
欲啟窗事針指甫啟而梟適至鳴於窗間家人皆謂不
祥夫人曰今日期放榜有此異吾兒其捷南宮乎次晨
復鳴於屋上已而報至無染
稗記

正定大厯寺有藏殿規制雖小而精巧莫倫其藏經皆唐
宮人所書經尾題名氏極可觀佛龕上有一匣開鑰內
有古錦儼然有開元賜藏經敕書及會昌以前賜免拆
毀敕書又有塗金匣藏心經一幅字體尤婉麗可愛善
女人楊氏爲大唐山帝李二郎書此出宋張端義貴耳
集乃吾鄉故事也郡志載寺名甚多並無大厯之名或

古今因事改易未可知也獨怪心經一幅所謂女善人楊氏必太真無疑然亦未聞其善書題後既稱大唐皇帝又云李三郎稱謂極可笑也

無染稗紀

章衡字子平真定府滹沱河每春瀾漫爲民大患衡爲築堤以障衡突居民利之今堤尚在而無知爲章公築者因錄出以示鄉人

雕邱雜錄

范石湖攬轡錄云真定滹沱河濶不減黃河俗名小黃河今滹沱當汜漲時濶不過十里及水落僅數丈耳豈今昔水勢有異耶

雕邱雜錄

穆天子傳載天子獵於鈺山之西阿於是得絕鈺山之隊

北循滹沱之陽郭璞注鈺山今在常山石邑縣滹沱河今在雁門鹵城縣然此滹沱之陽是滹沱之在常山者雁門之滹沱是其源也

族弟天定以武生効力鎮標得授平山外委把總會湖北教匪之亂排站

營弁分站文檄押送往來謂之排站

於郡南十里舖一夜

二鼓後陰雨晦蒙適有軍營摺奏遞至乘馬冒雨冥行至滹沱南岸時河水漲溢不知津處沿岸覓舟不可得行泥淖中良久忽覩燈光就視之則舟子數人聚賭團焦中見之皆起曰公自十里舖來耶答曰然衆駭曰舟皆在此何以得渡問之則已在北岸矣方共相疑怪忽

一人指而笑曰公何不着褲豈差務緊急頓忘却耶俯而自視果如所言因意已尚未寢併未解衣何以諸衣皆在而獨失褲此眞理所必無而事所或有反復推尋終莫得其故者矣

桐雨山房雜組

劉麗三吾邑諸生天姿高邁有才子之目固棠村梁相國之彌甥也相國偶命良匠以碎石堆小山於盆中峰巒秀拔精類鬼工嘗指以語人曰此中隱古人名五有能射得者卽以奉贈劉聞之携健僕至相國家昇之竟去相國曰吾固言能射吾覆者得之何故強攘吾石劉且走且對曰盆子安石望之有若賈山相國大笑遂贈之

桐雨山房雜組

郡城東南隅有靈明王廟漢靈壽侯邳將軍諱彤廟也兩廡肖二十四仙醫像疹疥瘡瘍有禱輒應俗又呼爲皮場廟徵諸碑記訪諸故老而命名之義殊不可曉後讀西湖誌云吳山有惠應廟俗呼皮場廟神張姓森名相州湯陰人縣故有皮場萃河北皮鞞蒸潰生蠍螫人輒死神時爲鎮庫吏素謹事神農氏禱神殺蠍鎮人德之因立祠焉建炎南渡有商立者携神像至杭舍於吳山看江亭立廟湖上額曰惠應初封靈貺候咸淳德祐間累晉王爵兩壁繪二十四仙醫主瘍疾之不治者世俗

之誤或因此而附會之未可知也

桐雨山房雜組

嘉慶庚午正月初八日黃昏時有大星自東方飛至西南

喞然如聞其聲化為白氣一團形似半月差大而無光

久之乃滅不知為何祥也

桐雨山房雜組

予童年時聞之故老云昔吾郡太守有王公者甫下車忽

憶前身即郡城某巷中人令人物色果得之姓名悉符

死四十餘年其死之日即公之生辰也家無擔石亦乏

子女惟鶴髮龍鍾之老妻尚在公惻然出廉俸而厚卹

之

桐雨山房雜組

嘉慶辛未七月間有農人子趁墟市於郡南十里舖暴雨

倏來就人家屋簷下避之突迅雷一聲遂震死簷上適

棲一雞亦與俱斃焉其人年方弱冠無絲毫惡行且其

事父母甚孝乃竟斃於雷斧父母哭之慟鄉隣亦咸相

咨嗟或者疑為夙譴似也然孝為順德宜若足以自贖

乃天竟不與其悔禍也何哉

桐雨山房雜組

郡城觀音庵殿宇不甚宏敞而基址頗高紅垣曲護週以

石欄故俗呼小紅廟欄外一石獅有賣餅者常釋擔其

旁至晚消算餅數輒有短少或五六枚或三四枚不等

心疑之而莫得其故一日釋擔後憑欄間眺見石獅攫

餅入口肆意大嚼喊告羣眾集視之口內尚有餘餅未

盡咽乃令匠毀其口齒今則併首亦失去惟身僅存不復能為厲矣

桐雨山房雜組

郡城隆興寺後多居民菜圃夜有似犬非犬似狐非狐者竊食瓜瓠逐之則走入寺中衆口喧傳初不知為何物也一日有異域僧至寺見摩尼殿佛座下塑一吼指而目之曰此有妖氣得勿出而為祟乎寺僧素聞衆言舉以相告僧命爇炭於下戟指而咒之粧金盡脫遂不復為厲後修寺仍裝以金次日如被刮去者再裝復然至今為土黃色

桐雨山房雜組

族兄景萊云吾郡梁氏始發於少保公諱夢龍而不知其

封翁實有隱德郡有吳姓者與翁素好病將死延翁於卧内屏妻孥而言曰吾死後子弱婦人未必善治生事床頭有藏金百兩君姑為我收貯俟吾子長而後相付所生之息即以為君胤翁諾而持歸置簿以記之吳歿後翁時恤其孤嫠吳子長補博士弟子員數入棘闈不獲售而家益貧翁乃招而告之曰汝先人為汝蓄百金十餘年於茲矣始恐以多財損汝志今屢躓場屋時數可知取簿示之盤計子母不下千數盡以相授吳子不受曰先人實無遺命豈敢冒領翁曰我若贈汝千金必不假名於汝父也吳子感之因作還金記以紀其事

桐雨

山房
雜組

翁諱相號我津幼穎慧有神童之目年十二入邑庠科歲
 試每冠其軍先後學使皆器重之性尤好行德一日檢
 篋笥得先公手記逋負一紙慨然曰此故所貸於素封
 張氏者已十餘年今張雖歿奈何以存亡貳俾先君子
 有負義之嫌乎急具金計子母而償之張氏子為作還
 金記至今嘖嘖人口焉此與前一則不知各為一事耶
 抑一事而傳聞異詞耶兩存之以備攷

桐兩山
房雜組

凡人之夢有驗有不驗亦有不驗而奇驗出人意表者友
 人馬廷華常謂予曰我數夢與君同年舉京兆而君為

榜首予聞之初不為意及嘉慶丁卯廷華登賢書予已
 久輟舉業矣至丙子予長男舉是科第一人因憶廷華
 獲隽之年與予生之年支干適相符所謂同年者此也
 榜首之說不得於吾身而得於吾子豈非不驗而奇驗
 出人意表者耶

桐兩山
房雜組

菊隱山人者姓梁氏諱燦光字文亮九歲失怙哀毀如成
 人事母至孝一日讀書家塾有憂戚色同學問之則曰
 歲聿云暮吾母褚衣未備是以憂也同學憐其孝且貧
 願同適市代謀之相與偕往至半途忽大風晝晦暫避
 坑坎中同學遙見白光一片自空而下望之駭然促公

起視亦不能辨爲何物冒風往迹則白布一疋爲風旋墜大塚上同學曰此子純孝之所感也捲束以歸猶意有人追尋越三四日無耗始令漬之爲母製冬衣焉厥後其族兄野石公爲固原牧憫其窮發書相邀至則委權固原關稅秋毫無所私人笑其迂弗顧也值歲大稔哀鴻遍野有男婦以貧故鬻其兒將別哭於路而哀詰得其情出貲贖之使携去不問其姓名亦無德色若行所無事者然栢鄉魏滇西公爲作傳記其事甚詳初公艱於似續比歸有里人夢其偕子俱來者心異之後聞贖兒事曰有此陰德不患無子矣踰歲果舉一男公素

性愛菊桑陰竹徑間徧植之花時咏周坦夫不學羣芳渾冷淡到頭終有傲霜枝之句優游自適故晚年又自

號菊隱山人云

桐雨山房雜組

嘉慶某年夏月多雨堂姪心之家有猫產數雛夜半啣之自窗而入嗚嗚不已逐去復來心厭之披衣而起意本欲東向取火然燈以驅猫反挾其子西向啟戶出而不自知也甫出而東壁傾圮正當其父子所常寢處其婦及次子寢近西壁亦得無恙人咸以爲有天倖彼猫之嗚嗚然若相告語非有使之者而何以然耶

桐雨山房雜組

顏受采真定府人貧而仗義村中有當舖係山西人所開


時有地棍私鑄錢事犯誣與當舖通亦見其孤立欲詐財以爲已援耳因而官吏垂涎百般凌逼西人嘆曰吾勢孤有口難辯但領財主資本肯輕費乎惟有死而已采聞而憫之約鄉鄰數百人環跪公庭泣保當舖實不知情官不能違公道遂釋放西人之財主重其義遂以女妻其子陪奩資千金從此至富



禍福自求錄

古城村農人爲人打土坯入地二尺許見一瓦缸有古錢不計其數乃盡掩之恐旁人知也夜要其兄弟三人共取之約得二十餘千錢皆紅銅背面篆貨泉二字古城農人在田間宿天將曙見雉堞重重人馬輻輳房屋

鱗次一轉瞬間茫然俱失諺云此名城現

夏獻烈字小笙新建人官知縣與練軍哨官楊德珍字聘臣者交最後卒後楊一日夢見之握手如平生歡忽悟其死問曰君已下世矣尚在此乎答曰余在此理陰間事耳語畢驚悟





上海縣志

卷三

三

